

KUTULLO, TEMA YA BOHLANO

KAROLO YA II

 ... morago ka tabaranekeleng mosong wo, le go bega ditaba tše botse gohle go dikologa, ka fao gore Morena Modimo o be a re loketše.

² Lamorena la go feta ge pono e be e bolelwa, gomme bohle bontši bja lena bo be bo le mo (ka sephente yela e bolawa mo bogareng): pono e diregile lentšu ka lenšu mo diiring tše masomepedi nne morago ga ge e boletšwe mo sefaleng. Go bile letago ka mo Morena a dirilego. Ga se ka ke ka tsoge ka bona e tee ya tšona e šitwa ka go . . . ka bophelong bjhohle bja ka, gomme ke mengwaga ye masometlhano pedi bogolo. Go no phethagala, lentšu ka lentšu ka tsela ye e diregilego. Gomme ke ikwela bokaone kudu, bokaone kudu.

³ Gomme go tšohle ke nyakago go bolela ka tšona, go bolela ka pharomolato yela. Goba, e sego pharomolato, e be e etšwa go ba dipelo tša go botega, banna ba go boifa Modimo, bao bodiredi bja ka bo nnogo ba gannyane godimo- . . . kagodimogatlhago kudu, gomme ba be ba thomile go nagana gore ke be ke le Morena Jesu, gomme e hlotš- . . . thomile thuto ye nnyane ka yona. Eupša e ile ya emišwa yohle gateetee. Lebogang Morena bakeng sa seo!

⁴ Gomme feela ka pejana ge ke tšwele go yona nnamong le go no tlogela Morena go ba le yona le go e neela go Morena, e be e fedile ka bjako, mo diiring tše masomepedi nne e be e fedile yohle. E ntlogetše ke tšhogile gannyane le go nyama nthathana gannyane, eupša ke tla ka go yeo morago ga lebakana. Nnete e bile mohuta wa go tšoša go nna, eupša ke no ba gabotse le go bothakga.

⁵ Gomme re bile le diphenyo tše kgolo beke ye, ke nyaka go bega se sengwe.

⁶ Bjale, ge nkabe ke theeditše se Morena a mpoditšeego, seo se ka be se se sa tsoge sa tla godimo. Mengwaga ye mene ya go feta O mpoditše. Gomme mosadimogatša wa ka o gona, morago ka batheeletšing mo felotsoko bjale, le morwa wa ka o dutše . . . o be a le mo sefaleng dinakwana di sa kae tša go feta, le ba bangwe ba bantši ba ba nkwelego ke bolela nako ka morago ga nako, "Ye ke nako ya mafelelo ke yago go ba le e ka ba efe ya tlhatho yeo." Le a bona? Go fihlile bjalo . . . Ke lekile go phele kgauswi le Modimo ka kgonthé gomme, ka go dira bjalo, go tliša ntle se sengwe boka se dira batho mohuta wa go sopagana go fihla ba sa kgone go tseba ba nagane eng.

⁷ Gomme ka gona, go molato wa motšhelo re bilego le wona, go ka be go se gwa tsoge gwa ba lentšu le tee ka wona ge nkabe ke ile ka no theetša Morena. Ke mo ke dirago ka mehla . . . Moo ke sego ka Mo obamela ke moo ka mehla ke tsenago bothateng. Ge nkabe ke ile ka no theetša sekgauswi gomme ka sepela le Yena!

⁸ Gomme ka gona go fihla . . . Bodiredi bo kagodimogatlhago kudu dinako tše dingwe go fihla ke . . . Ke be ke boifa ke be ke tla kitimela godimo ka go mothalo wo mongwe. Eupša, bjale, ga ke re . . . ke nyaka go . . . yo mongwe le yo mongwe go, swara se gabotse, gore ga ke re gore ke a tloga, ke ya go tloga go Morena, eupša ke no se sa nyaka gape go hlagiša e ka sefe sa kagodimogatlhago, kafao ka tsela ya ditlhatho tšeо le—le dilo boka tšeо.

⁹ Bjale, Morena o bile mogau go rena lebakeng la nako ye; O tsošitše Ngwanešu Neville, a nago le lentšu la seprofeto; O ne Ngwanešu Higginbotham le ba bangwe ba bantši ba baena mo bao ka go felela . . . ka dimpho tša semoya ka kerekeng, ba dirago mehlolo.

¹⁰ Gomme anke ke no le fa bopaki. Go be go na le Kgaetšedi Opal Weaver, ga ke tsebe ge eba o na le rena ka kerekeng mosong wo goba aowa. A o mo, Kgaetšedi Opal? Gore nka no ba ke se ka kgona go—go mmona. Oo, gabotse, mengwaga ye mmalwa ya go feta o be a ehwa ka kankere, gomme kankere e be le ka go dithaka tša bosadi gomme e ile godimo ka go dipshio tša gagwe. Gomme ba mo file feela bošego bjo botee bjoo go phela, o be a ile fase kudu. Gomme ke ile godimo le go mo rapelela, gomme pono e tlie, gomme o ile a fodišwa go felela. Gomme e bile e ka ba mengwaga ye lesometlhano ya go feta. O tlie ka gare le ka ntłe magareng ga rena lebaka la mengwaga le mengwaga.

¹¹ Letšati le lengwe o tsene ka tabeng moo a bilego . . . a bilego le mogolo wa go baba gampe gomme a thoma go tšwa madi go tšwa mogolong wa gagwe. Go ile gwa šišinywa gore a bone ngaka ka pelepela. (Gomme ke ge ke be ke le ka Canada.) Gomme o leleditše Ngwanešu Neville, gomme Ngwanešu Neville o ile a tšeа wa rena Ngwanešu Higginbotham. Ga ke nagane Ngwanešu Higginbotham o mo, a ka no ba, mosong wo. Ngwanešu Rupert Higginbotham e be e le yo mongwe wa bahlokomelaphahlo ba rena ba go feta, ngwanešu yo mokaone. A o gona mo? Kafao ba ile godimo go rapelela mosadi, gomme ge ba mo rapeletše . . . O be a etšwa madi bjale, ga ke tsebe nako ye kae, lebaka la matšatši, matšatši a mabedi goba a mararo, gomme a no tšwelapele a etshwa madi. Gomme Ngwanešu Neville a mo rapelela gomme ga se a tsoge a tshwa lerothi le lengwe la madi gape. Yeo ke nnete.

¹² Gomme o be a ne dihloga tše pedi, dišo goba e ka ba eng se lego ka magalagapeng a molomo, mohuta wa dišo goba e ka ba eng di lekeletše magalagapeng a molomo wa gagwe; sekutu se segolo, boka. Gomme o be a se a ke a ba le kimollo ye e itšego go

tloga go tšona, gomme di be di . . . O rile, “Di be di le e ka seripa sa bogolo bja make ya hikori.” Gomme di bile ka ganong ga gagwe le—le lebakana le lennyane, matšatši. Gomme Ngwanešu Higgingbotham . . . Bjalo ka ge ke sa bitše leina leo la Sejereman gabotse kudu, Ngwanešu Rupert, o ntshwarele bakeng sa seo. Eupša go le bjalo, ke . . . Gomme nka no ba le le phošo thwi mo. Goba, aowa, ke a dumela o—o na le mpho ya go bolela ka maleme le tlhathollo ya maleme. Gomme o beile seatla sa gagwe, lebaka la nako ye, godimo ga sefahlego sa gagwe. Gomme o rile, “Ngwanešu Branham, e sego maabane, e sego bošego bja go feta, eupša ka pelapela mafelo ao a tloga” go tšwa magalagapeng a molomo wa gagwe. Ka pelapela!

¹³ Morago dingaka tša tla godimo, tša lebelela ka mogolong wa gagwe, le se sengwe le se sengwe, gomme di rile, “O swanetše go ya bookelong gobane o na le kankere ya mogolo.”

¹⁴ Kafao re . . . Ba mo tšeetše ntle go ya bookelong. Gomme ke be ebile ke sa tsebe o be a le kua go fihla ke gahlana le modiša yo botse wa rena, Ngwanešu Neville, gomme ke be ke le tseleng ya ka go ya bookelong gomme o mpoditše gore—gore o be a le ntle kua. Kafao ke ile godimo go mmona, gomme monnamogatšagwe o be a dutše kua. Gomme tše hlano, nne goba hlano, dingaka di be di tlide ka gare le go tšeа diteko tša yona, di šikinya dihlogo tša tšona, di rile, “Ke, ka nnete, ke kankere, kankere ya baerase, ke kankere.”

¹⁵ Kafao moithuti o tlide ka gare le go tšeа se—se sehlahlofša sa yona. O rile, “Yeo, ntle le pelaelo, ke kankere.”

¹⁶ Gomme ke rile, “Eupša, kagetšedi, ge Modimo a go fodišitše kankere gatee . . . a e be e ka ba eng e ka bago. Mohlomongwe banna bao ba nepile. Bona ke—bona ke banna ba ba hlahlilwego ka lefapeng leo go bolela ge eba ke kankere goba e lebega boka kankere goba e ka ba eng e lego yona. Bao ke . . . Ke banna ba ba hlahlilwego bakeng sa morero woo. Gomme e lebega boka kankere kafao ba re ke kankere.” Gomme ka re, “Go molaleng ke yona.”

¹⁷ Eupša o be a sa nyake go dumela e be e le kankere. Kafao, ke rile, “Eupša ge Modimo a kgonne—kgonne go araba thapelō godimo kua go emiša go tšwa madi; Modimo o kgonne go araba thapelō, a ntšhetša dilo tše kgolo tšela ka ntle ga molomo wa gago. Anke e be eng kapa eng e ka bago, a Modimo a ka se kgone go se emiša thwi mo?”

¹⁸ O rile, “Amene!” Gomme monnamogatša o be a dutše fale. Gomme o rile, “Seo ke se ke sepelago ka sona bjale, gore Modimo o tla se emiša.”

¹⁹ Gomme ka mo rapelela. Gomme ba tšere dihlahlofša ntle go se leka, gomme sa bowa morago “nekethifi” ge bona bohle ba rile e be e le *kankere*. Le a bona?

²⁰ Kafao selo ke, bagwera, gore Yena ke Modimo gomme O araba thapelo. Gomme re thabile kudu gore O a re etela mo ka go tabarenenekele ye nnyane ye ya go kokobela. Ga e bogege kudu, dipote tše nnyane tša kgale re di lahletše godimo mmogo mo, mengwaga ye mentši ya go feta, bakeng sa tshireletšo godimo ga hlogo ya rena, hlaka godimo ga hlogo ya rena, a ke re, go dipula le lehlwa le go ya pele. Eupša batho ba bantši ba a phela lehono ka baka la matsapa a, gomme go seo re leboga kudu.

²¹ Re leboga bahlokomelaphahlo ba rena. Re leboga matikone a rena. Re leboga phuthego ya rena. Re leboga modiša wa rena. Re leboga mpho ye nngwe le ye nngwe ye A re filego ka go kereke ye. Gomme re a rapela gore O tla fa banna ba kwešišo, gore ba ka se tsoge ba fapogela lehlakoreng la go fošagala eupša ba dule go otloga thwi gare ga tsela le Lona. Le se ke la tsoge la phagamišwa goba e ka ba eng; neng le neng ge le dira, le fedile thwi fao, le a bona. E nong go dula go kokobela le Lona.

²² Gomme le bone, bjale, nako yeo batho ba etla ka gare, balwetši le batlaišegi, go rapelelwa lebakana ge ke sa khutšitše bjale mohlomongwe ngwaga goba ye mebedi, gona Modimo o file tsela go e hlokomela ge ke sa khutšitše lebakana. Le a bona? Oo, a ga se go leboga? Go tlamegile . . . A re swanetše go leboga ka seo? Modimo ga a tsoge a itlogela Yenamong ntle le hlatse, gomme kafao re thabetše seo kudu.

²³ Bjale, beke ye e latelago, Morena ge a rata, ke nepile go tšeа basetsana ba ka ba bannyane bao ba sa tšogo tšwa sekolong go maikhutšo a bona a mannyane a sekolo, kafao ke a rapela gore le tla re rapelela. Morwedi wa ka yo mogolwane, ka sekolong se phagamego, o nyaka go bona mo Paul Revere a dirilego mokatišo wa gagwe bošegogare, moo a tlogetšego kereke fao. Gomme re . . . Ke thwi mo ka New England gomme re nyaka go ya godimo le go bona fao.

²⁴ Kagona, ke be ke fela ke nyaka go bona Old Ironsides. Ke ba bakae ba kilego ba kwa ka theto ya *Od Ironsides*? Ke mamoratwa wa tšohle tše ke di tsebago; ka ntle ga Bokriste, bjoo ke bjo bokaonekaone bja ka. Ke nno . . . ke thomile go e bala gomme ka kgamega le go dula fase, ka sepela go dikologa, ka ya morago. O ka kgona go e nweletša bjang morago . . . Go no swana le go tšeа pere gomme wa e bolaya morago ga ge e go diretše bophelo le lapa la gago. Ke no—ke no se kgone go bona seo. “Kafao ke tla mo fediša!” Aowa, o se ke wa dira seo. Ge dikanonopolo tša Mabritish di itia kgahlanong le sona le go thula go tloša mahlakore a sona a moouku wa kgale, ga—ga se ka kgona go go bona o se tšeela ntle le go se nweletša.

Mo neele badimo ba ledimo,
Legadima le lephoto!

Ka kgonthe ke rata seo.

²⁵ Gomme ka gona ge re nyaka go tla tlase, gomme Mna. Kennedy ga se a re laletša, eupša re rata go bona White House ge re sa le kua. Ba . . . ke bile ka go yona makga a mmalwa eupša digotlane di nyaka go e bona. Morago re tla ba morago gae, Morena ge a rata. Kafao le re rapelele.

²⁶ Gomme re rapelela baratiwa ba ren a bohole mo ba ba lego maikhutšong, ba bantši ba bona ba tšea maeto go ya mafelong a go fapan a. Gomme ba bangwe ba bona ba ile mosong wo, tlase ke Kentucky le Tennessee le mafelo a go fapan a. Kafao re a ba rapelela.

²⁷ Bjale, go be go na le se sengwe gape ke bego ke eya go dira tsebišo ka sona. Oo, ee, tirelo ya kolobetšo ka pela ka morago ga tirelo ye. Gomme ka gona—ka gona go na le neelo ya masea, ngwanešu o be a mpotša ka yona, neelo ya masea. Gomme dilo tše ntši kudu re swanetše go el—. . . O reng? [Yo mongwe o botšiša Ngwanešu Brantham ka tirelo ya mantšiboa—Mor.] Gabotse, ga ke ikwele go tšea ditirelo bobedi. Le a bona, ke tšea e tee gomme Ngwanešu Neville o tšea ye nngwe. Gomme nka se kgone. . . Ga se. . . Ge re le ba babedi ba ren a mo, gabaneng re lapiša yo motee wa ren a? A seo ga se nnete, Ngwanešu Neville? Yeo ke nnete tlwa.

²⁸ Gomme, ka gona, Doc o mpoditše go el—. . . go le botša bohole go elelwa tšona. . . dikenotshepišo tša lena ka tabarenekelle, gore—gore kereke. . . gore ba nagana ka go aga ka pejana ge ba ka kgona go hwetša mo go lekanetšego mmogo bakeng sa kereke.

²⁹ Gomme kafao ke—ke bile. . . Go bonagetše go nna boka go be go le se sengwe, e swanetše go be e le ge o mpoditše ka seo, neelo ya masea. Seo ke se e bego e le sona. Gomme re tla ba le yeo ka pela ka morago ga go fetša ka tirelo ye bjale.

³⁰ Bjale, a tše di tla rapelelw a, diaparo, ke a nagana? Go lokile, mohlomphegi. Re tla dira seo mmogo, gomme ka gona. . .

³¹ Bjale, pele re batamel a Lentšu. . . Ke ba bakae ba ipshinago ka Lentšu? Oo, nna, go phela thabeng! Le a hlokome la, le—le kgona go bona go tloga Lamorena la go feta se go se rago go se dira ka tsela ya Modimo. Le a bona? Ge ke bone gore e be e le moy a wo o tsenego magareng ga baena bale ba bohlokwa, go be go se tsela go motho wa tlhago go tloša woo. Gomme selo se nnoši re ilego ra swanela go dira e bile go o gafela goba go o retollela go Morena, gomme diiri di se kae ohle o be o fedile.

³² Bjale, modiša (le nna re a tloga), e lego mothuši wa lena le lena mo ka mošomong wa Morena, gomme bjalo ka ge Paulo a be a ka re, “Ke go laela pele ga Modimo le bakgethiwa barongwa,” le a bona. Gomme go kereke ye mo, mohlala wa go phethagala šole ka se le ka se dirago ge yo mongwe a etšwa tshepedišong ya kereke. Le a bona?

³³ Bjale, ge go etla se sengwe ka kerekeng se seg o sa loka, gona anke motho ka motho, yo a tsebago gore ga sa loka, a ye go motho. Gomme ge motho a ka se boelanywe; gona selo sa go latela go

se dira ke go tsea hlatse gomme le ye, goba mohlomongwe e tee goba dihlatse tše pedi, gomme le ye go motho yo go ba dira ba boelanywe goba go otlolla selo. Bjale, theetšang kgauswi! Bjale, se se a gatišwa, le sona. Gomme ge seo se sa šome . . .

³⁴ Le se tsoge la dumelela ism ye nnyane, goba sengwe se sengwe se sennyane, maikutlo a mannyane a mabe a tsoge a tsoga magareng ga lena. A tlošeng tseleng gonabjale! Kafao ke ye nnyane . . . Ke phukubje ye nnyane ye e senyago diterebe le a tseba. Kafao e tlošeng tseleng! Maikutlo a mannyane afe kapa afe a sego a tlwaelega, eya o botše motho ka ona. Kafao, “Ke—ke fošitše. Ga—ga ke ikwele gabotse ka wena, goba se sengwe. Nthuše go se rapelela, gore ke be kaone.” Gobane, ga re nyake selo eupša feels wa go sekä, wa go se otswafatšwe, Moya wo Mokgethwa wa Modimo magareng ga renä. Seo ke sohle re se nyakago. Gona dimpho le dilo di tla šoma gabotse gomme se sengwe le se sengwe se tla be se etla gabotse.

³⁵ Gobaneng o eba le kereké ya seripa ge o ka kgona go ba le ya go felela? Gobaneng o amogela kemedi ge magodimong ohle a tletše ya mmapale? Le a bona? Ga re nyake seo. Kafao ge maikutlo a go se tlwaelege a ka tsoge a tla magareng le lena maloko, yo motee go yo mongwe, o ya go motho yoo.

O re, “Gabotse, ba ntirile . . .”

³⁶ Seo . . . ke . . . Bjale, elelwang, e sego “ge o ne phošo goba molato kgahlanong le ngwanešu,” eupša “Ge ngwanešu a na le se sengwe kgahlanong le wena.” Le a bona? Eya go yena gomme le boelane, mmotše gore o—o bile le maikutlo a go se tlwaelege ka yena gomme o nyaka go dira bagwera, gomme le rapele gomme le ye tlase aletareng gomme le tloše selo magareng ga lena.

³⁷ Bjale, Sathane o tla go itia ka mehlatloša kgafetša go fihla o feditše mo lefaseng. Enong go elelwa seo. O ka se tsoge wa ba le nako eupša yeo go lego go itiwa ka letswele go eya pele nako yohle, gobane o mo ntweng. A o kgopetše go tla go Kriste, go go ya phikiniking? Gabotse, ka nnete o ya go makala, gobane ke ntwa ya kgafetša. Ke bile mo tšhemong lebaka la mengwaga ye masometharo tee, gomme ke lwele intšhi ye nngwe le ye nngwe ya tsela. Yeo ke nnete. Israele e ile ya swanela go lwela intšhi ye nngwe le ye nngwe ya tsela. Ba—ba . . . Palestina e filwe bona, eupša ba ile ba swanela go lwa intšhi ye nngwe le ye nngwe ya tsela go e hwetša.

³⁸ Bjale, elelwang se bjale, gore ge . . . Gona ge go na le se sengwe se etla godimo ka kerekeng, ka gona anke modiša . . . gomme ge o—ge o swanela go tla go tsea modiša, go ba tseela go motho. Gona ge ba ka se kwe seo, gona etla godimo pele ga kereké gomme o se bolele pele ga kereké. Ba feng nako ye kaalo go boelana, mohlomongwe go tloga go Lamorena le tee go ya go la go latela. Gomme ge ba ka se ke ba kwa kereké, gona Beibele e rile “A ba be bjalo ka mohetene le moditšhaba.”

³⁹ Ka gore, le a bona, ge feela ba šireleditšwe ke kereke, Sathane a ka se kgone go fihla go bona. Eupša ge kereke e ba tlemolla go tšwa ka tlase ga tšhireletšo ya kereke le Madi a Kriste, gona Sathane o tla go šoma godimo ga bona. Seo se tla ba tliša thwi ka go poelano gape. Le a bona? O—o kwešiša seo, a ga o, modiša? Ee, mohlomphegi.

⁴⁰ Kafao seo ke selo go elelwa go se dira ka mehla, ke go boelana, go tla go Modimo le go ya ka tsela ya Modimo. Re swanetše...

⁴¹ Seo se netefatša eng go rena? Ba babedi goba ba bararo ba baena ba rena ba ba tsebago gore ke katane ka tlase ga yo motee yo mongwe yo lebaka la mengwaga ye mebedi goba ye meraro. Yeo ke nnete. Eupša ge ke etla go lefelo ke naganne ka bona banna, gomme mafelelong ke kgonne go rata banna bao go lekanelia ga ba kgone go tloga go yona. Gomme ke tšere dihlatsi eupša seo ga se sa šoma. Ke ile ka swanela go e tliša go kereke. Gomme ka gona go tšwa sefaleng Lamorena la go feta, ke rile, “Ga ke nyake go e kwa nako ye nngwe gape. Ke lokologile go yona. Ke e retolletše godimo go Modimo, le a bona, le go e neela morago go Yena.”

⁴² Gomme ka pela go laetša gore batho ba biditšwe. E... Bjale, ge ba se ba bitšwa, ge ba etla go phošollo ya Lengwalo... Gomme motho ga a kgone go emela phošollo ya Lengwalo, o befelwa gohle le go phatloga, go laetša ga a loka le Modimo. Nnete! Eupša mokethwa wa mmapale wa Modimo o tla boelanywa go Modimo ke Lentšu. Yeo ke nnete. Gomme Lentšu ke tsela ya go phošolla. Baena bao ba tlamega go leboga kudu go Modimo gore...

⁴³ Le a bona, Beibele e boletše gore “Bokriste ba maaka ba tla tsoga ka matsatšing a mafelelo gomme ba tla fora le bona bakgethiwa ge go be go kgonega.” Eupša ga go kgonege. Aowa, mohlomphegi. Bakgethiwa ba beetšwepele, kafao ba ka se forwe, le a bona.

⁴⁴ Kafao ka pejana ge bona baena... Ba tlide godimo kua ntlong letšatši la go latela, le a bona, eibile go fihla ba bile ba thoma go mpha Lengwalo la bona. Gomme nako yeo Moya wo Mokgethwa ka Lengwalo wa no ahlola se sengwe le se sengwe ba bego ba se bolela. Le a bona? Kafao e be e le fao, ba bone, bona sehlopha sa batho se se kgethilwego se sepetsi ka Bogoneng bja Modimo. Go ntira go leboga bakeng sa batho boka bao. Ee, mohlomphegi. Bao ke banna ba kgonthi.

⁴⁵ Ge o kgona go bona motho yo a lego phošo, gomme a netefatšwa go ba phošo, gona seo se a laetša o nyaka go ba Mokriste, o sepelela godimo gomme a re, “Ke ne phošo.” Yoo—yoo ke Mokriste wa kgonthi.

⁴⁶ Eupša mothaka yola yo a tla phatlogago, le go kitimela tikologong lehlakoreng le lengwe le go re, “Owe, go be go se selo go Lona,” le ka mokgwa wo; hlokomela, ngwanešu, o tla kgona go

bona thwi nako yeo gore o ile ntle ka tlase go kahlolo gobane o be a se wa rena. Eupša ka mehla, modiša, o tla go Lentšu lela gomme Le tla e dira nako ye nngwe le ye nngwe. Eupša o swanetše go dula le Lentšu.

⁴⁷ Ke ka baka leo ge ke etla, bjale, ke ne . . . ga ke ne tlatho e ka ba efe ka—ka United States, ga se ka tsoge ka ikemišetša, bophelo bja ka ka moka, feela mošwamawatle le mašemong a šele le go ya pele. Nnete, bjalo ka mpho, bjalo ka mpho ya seprofeto, yeo e tla ba fao ka mehla, eupša ke tla e swara go nnamong le go no e šoma gobane ke . . . re—re thari kudu mo letšatsing bjale bakeng sa yona go . . . e ya pele. Re kgauswi kudu go bofelo bja nako. Eupša ka mašemong a šele e no ba ditaba tše pedi goba tše tharo mo sefaleng gomme, ngwanešu, ke ra gore ba ile.

⁴⁸ Ka gona re na le dikekišo tša senama tša Yona. Oo, nna! Ke selo sa go šokiša. Lebelelang, ke nyaka go . . . Ke Mapentecostal a makae a lego ka mo? Phagamišetša seatla sa gago godimo. Go lokile. Lebelelang, lena Mapentecostal, mengwaga e se mekae ya go feta Modimo ka kgonthe o wetše godimo ga lena gomme la thoma go bolela ka maleme. Yeo ke nnete. Eupsa diabolo o dirile eng? O tlie go dikologa gomme a fa kekišo ya senama ya seo. O dirile se sengwe se se bego se se sa loka, o bile le batho fase le go boleleng ka maleme, le go ba direng go bolela mantšu a itšego le dilo go ba dira ba bolela ka maleme, le go ya pele; gomme monna a dula le mosadimogatša wa monna yo mongwe le mehuta yohle ya dilo, le mehuta yohle, ba bangwe ba bona ba enwa, go kgoga, le se sengwe le se sengwe, ba sa no bolela ka maleme. O diretše eng seo? Go dira phalafala ya kgonthe go fa segalo sa go se hlake go batho. Gona ke mang a ka kgonago go itokišetša ntwa yenamong? Le a bona?

⁴⁹ Ka gona ge se se etla godimo . . . Bjale, re na le batho ntle ka batheeletšing . . . Go ne yo motee thwi . . . o ile thwi pele ga ka godimo kua ka Canada ebile . . . Gobaneng, baemedi ba mo hlaotše bjalo ka lehomoseke. Le a bona? O rile, “Gobaneng, Modimo o mpha mpho ya tlatho.” O rile, “Haleluya, ke na le . . .” O rile, “Bjale, Morena o mpoditše gore yo mongwe ka mo a bitšwago ‘John . . .’”

⁵⁰ Re bile le mosadi yo monnyane mo mosong wo mongwe, o tlie morago kua, le a elelwa, o tlie morago kua gomme a re, “Morena o mphile mpho ya go swana.”

Gomme ke rile, “Gabotse?”

O rile, “Ke duma ge nkabe ke bile le sebaka go e netefatša.”

Ke rile, “Sefala se sele.”

⁵¹ Gomme le bone se se diregile; saekolotši ya go hlakahlakana ya go seka, le a bona. Eupša ge le bona, Kgaetšedi Snyder a etla godimo, le go mmotša o be a ne “athiraithisi,” seo—seo—seo se e feditše. Ge Kgaetšedi Snyder . . .

⁵² Ka gona ke rile, “Seo ga se se e lego phošo ka mosadi.” Ke rile, “O wele gomme a robega letheka la gagwe.” Gomme ke rile, “Ebile ga se a ema kua . . .” Nnete Kgaetšedi Snyder o be a sa kwe gabotse kudu, gomme o rile . . . Gomme se a bego a na le sona, ke a dumela, e be e le sehloga ka mogodung wa gagwe goba se sengwe boka seo. Ke rile, “Seo ke se e lego sona; ke dutše mo ke bolela le baena ka yona nako ka mehla.” Le a bona?

⁵³ Eupša go no—go no laetša gore kereke, le a bona, gore ke papetšo ya senama, le a bona. Gomme seo se dira eng? Se dira phalafala ya kgonthé . . .

⁵⁴ Bjale, ge ke be ke le ka Canada ba hlaotše mothaka yo a ilego godimo kua. Gomme o rile (thwi magareng ga seholpha sa Manorwegian), gomme o rile, “Morena o a mpotša gore yo mongwe mo . . .” lešaba le e ka bago atiša ka lesome bogolo bjo, “yo mongwe ka leina la ‘John,’ mohlomongwe ‘Johannes,’ ‘Johann.’” O rile, “Thwi go bapa ka mo, ke a dumela.” O rile, “Aowa,” o rile, “ke thwi go bapa ka mo felotsoko”; mnene, o tšere ka moka . . . ka go naga ya Norwegian? Gomme yo mongwe le yo mongwe o bile . . . Diphesente tše masomesenyane tša bona ke boPeterson, boCarlson, John, Johannes, gomme, gobaneng, nnete. Le a bona, ka nnete o . . . Le swanetše go tsena ka kua felotsoko. Ka gona, “Morena o a mpotša yo mongwe o na le bothata bja mokokotlo, ke kwa mokokotlo wa ka o baba.” Mang kapa mang yo a godišitšwego ka Lengwalo o a tseba gore yeo ke saekolotši. Yeo . . . Nnete, ke yona.

⁵⁵ Eupša, le a bona, e dirile eng? (Ka gona monna o tšerwe thwi fao ke—ke FBI go tloga mo, ba rometšwe godimo kua le go mo tšea godimo kua, Royal Mounted Police.) Gomme mokgatlo wa badiredi o tlie go nna, gomme, “Lehomoseke,” ba re, “gobaneng, Ngwanešu Branaham go molaleng ke selo sa go swana. Yeo e no ba tsela ye e dirago, Le a bona.” Se dira eng? Go fa phalafala segalo sa go se hlake. Le a bona? Feela tlwa. Ke ka tsela ye e lego ka mehla, go leka go dira dilo ka mokgwa woo go fa segalo sa go se hlake. Ke modiro wa Sathane go dira seo.

⁵⁶ Eupša, bjale, o se tsoge wa fapano go tloga go Lentšu lela. Elelwang, ke le laela pele ga Modimo: *Dulang le Lentšu lela!* Le se ke la tsoge le fapano go tloga go Lona. Gomme ge dilo tše di tsoga magareng ga batho le dilo boka tše, go na le sa mmapale nako ye nngwe le ye nngwe ge o hwetša sa maaka. Go na le—go na le tolara ya bofora, yeo e a laetša go be go na le tolara ya go loka e dirilwego go tšwa go yona. Ge o ekwa moikaketši a bolela ka maleme, o ka se kgone go re o na le Moya wo Mokgethwā. Eupša, elelwang, o ekiša athekele tsoko ya mmapale ye e nago le mpho ya go bolela ka maleme. Ge le bona dilo tše e lego maaka, elelwang, di dirilwe go tšwa go sa kgonthé. Modimo ke mothomi wa dilo tšohle tše botse, eupša Sathane o ekiša dimpho tše. Gabotse, ke ya pele ka seo, re ka se fihle ka go thuto ya renā, a re tla?

⁵⁷ [Ngwanešu Ben Bryant o re, “Ngwanešu Branham, ntshwarele motsotso feela?”—Mor.]

Ee, ngwanešu.

[“Hle? Ke be ke se mo Lamorena la go feta, gomme ke kwele phefo ya se o bego o bolela ka sona e ka ba dikgwedi di se kae tša go feta. Gomme ka nnete ke be ke tshwenyegile ka sona, ga nthathana kutšwana, gomme ke ikwetše go tla le go go botša ka sona le go botša Ngwanešu Neville. Eupša ke ikwetše gape gore o be o tla tseba mosadimogatša le nna re e dirile taba ya thapelo. Gomme mosong wo ge ke etla ka tabarenekeleng, ke be ke sa tsebe se se diregilego, gomme yo mongwe wa baena ba bohlokwa o tlide go nna mosong wo le go nkgopela go mo lebalela. Gomme ke nagana e be e le Moya wa go swana le wa Kriste.”]

Amene.

[“Gomme ke a nagana ngwanešu o retega kudu.”]

Ee, mohlomphegi.

[“O nkgopetše go mo lebalela, gobane o be a leka go . . . o be a—o be a leka go tlisa thuto go nna.”]

Ya.

[“Gomme ke be nka se e amogelete. Gomme o nkgopetše go mo lebalela mosong wo, gomme ke mo lebaletše ka Leina la Jesu.”]

⁵⁸ Amene. Ke a go leboga, Ngwanešu Ben Bryant. Bjale, seo—seo ke tlwa . . . ke thabile o boletše seo, Ben. Le a bona, gobane ka gore banna bale ba be ba le tikologong mogohle ba dira dipuelano. Bjale, bjoo ke Bokriste ka nnete. Bjoo ke Bokriste bo a šoma. Ge o le phošo, eya godimo gomme o amogelete o phošo. Le a bona? Emelela gomme o re, “Ke phošo, o a bona, ntshwarele.”

⁵⁹ Bjale, mothaka yo a lekago go e uta morago, gona o na le se sengwe a se khupetšago. Aowa, mohlomphegi, ke rata . . . Boka ngaka ye nnyane mo yo a . . . La bona, nka se ke . . . O . . . Nka se mmotše sona, eupša, go le bjalo, o bile le selo se sennyane a bego a nyaka go se dira, le a tseba. Gomme ke rile, “Oo, aowa, Ngak, o ka se kgone go ntšha šunya go Modimo.” Ke rile, “O swanetše go e ala thwi ntle mo godimo ga poto.” Yeo ke nnete, anke e ye thwi tlase ka mokgwa woo. Ka nnete, monna o be a se ne molato ka go phethagala wa go leka go dira e ka be eng ya go fošagala. O nno—o nno nagana e be e tla ba tsela ye botse gore a ka kgona go hwetša seripa sa mobu. Gomme o be a sa leke go e dira bobe, o be a leka go e dira gabotse. Gomme o be a no nyaka go . . . O rile, “Ke . . .” O tsebile tsela tsoko ye a bego a ka kgona go ya go dikologa, go hwetša yo mongwe go dira selo se se itšego se se bego se tla dira moisa go huetšega godimo mo. Ga o e dire ka tsela yeo. O no tla thwi go otlologa ntle. Le a bona? Dula thwi le Lentšu, gomme ka gona o e hweditše. Dula thwi le Lentšu! Modimo a mo šegofatše le go dira dilo tše kgolo bakeng sa gagwe. Ee, mohlomphegi.

⁶⁰ Go lokile, a re inamišeng dihlogo tša rena bjale bakeng sa thapelo. Ke ba bakae ba tla ratago go gopolwa ka thapelong? Ke tseba mohumagadi yo motee a dutšego mo ka setulong sa bagolofadi ka kgontheng a ka rata go gopolwa, ke a tshepa. Gomme kgaetšedi yo mo, bohole, lebelelang gohle go theoga go kgabola lefelo. Bjale, a re beeleng thoko se sengwe le se sengwe bjale gomme re tseneng ka thapelong. Ke ka baka leo re lego fa sebakeng, sebaka sa e ka ba ya go latela ye masometharo tlhano, metsotsotso ye masomenne, bakeng sa go rapela.

⁶¹ Bjale, Morena, ge re ikhomotša renabeng pele ga Gago, re ikwela gore Joshua wa rena yo mogolo, Moya wo Mokgethwā, Moetapele wa rena yo Mokgethwā wa letšatši le...bjalo ka ge Joshua a homoditše batho pele ga Moshe le go re, "Re feta le go kgona go tsea naga." Gobane o be a lebeletše, e sego Baamaleke goba Baamoro, eupša o be a lebeletše tshepišo Kgethwā ye e bego e filwe ke Modimo.

⁶² Gomme ka go letšatši le la go hlakahlakana le seemo se lefase le lego ka go sona, le godimo ga moso wo mobotse wo wa sabatha, re ikhomotša renabeng pele ga Gago, le go re gare ga kekišo yohle, papetšo ya senama, ka bogoneng bja bobe bjohle le meboya ya go timetšwa, ka fao re lebelelago Lentšu la Modimo gomme ra re re feta le bafenyi! Modimo o rile O tla ba le Kereke yeo e bego e ka se be le sepatso goba ntle le lengalatsepa ka go Yona, gomme re a tseba gore re tla bona Kereke yeo letšatši le lengwe. Gomme re a phegelela bjalo ka maloko, re dumela gore re maloko a phuthego ye kgolo ye ya go tswalwa gape ya Modimo le Kereke godimo ga sefahlego sa lefase lehono, ka tlhompho re batamela Modimo Leineng la Morena Jesu.

⁶³ Gomme ge re etla ka go kokobela, re kgopela gore O tla ala go tšwa meganong ya rena le dipelo tša rena dilo tšohle tša lefase, mekatano yohle ya lefase le matshwenyego, le gore Wena, O Modimo, o tla re bea ka go seemo sela sa go rapela, Gore re tle re Go rapele ka go kwa Lentšu la Gago.

⁶⁴ Bjale, bjalo ka Johane, ka go thuto ya rena mosong wo, o llile kudu gobane gore go be go se motho wa maswanedi go tsea Puku, gomme ka dipelong tša rena re ka kgona go lla mosong wo, Morena, gobane ga go yo a nago le maswanedi go bula Puku ye. Eupsa bjalo ka ge go lla ga Johane e be e le ga lebakana le lennyane feela, ka pejana o ile a homotšwa gomme Kwana e tlie le go tsea Puku; O Kwana ya Modimo, mosong wo, etla gomme o tsee Puku gomme o re bulele Yona, Morena. Re letetše godimo ga Gago. Ka go go se lekaneleng ga rena re letile go ba... Go re kgotsofatša ka Bogona bja Gago le Lentšu la Gago.

⁶⁵ Diatla tše dintši di be di phagamišeditše go Wena, O Kwana ya Modimo. Re a tseba gore O tseba pelo ye nngwe le ye nngwe, gobane O tsebile makemišetšo a bona. Gomme O no ba Modimo bontši lehono bjalo ka ge ka mehla O bile. Gomme O tla ba

go swana ka mehla, gobane O phethagetše le bohlokamagomo gomme ga O kgone go fetoga. Gomme re a kgopela mosong wo gore O tla re kgotsofatsa, kgopelo ye nngwe le ye nngwe. Efa, Morena, gore bohle ba tla kgotsofala ge ba tloga moagong, gore ba be ba le ka Bogoneng bja Modimo gomme ba tloga le tlhologelo ya dipelo tsa bona. Morena, o se lebalale go nkakaretsha ka go palo yela, le nna. Gobane ke e kgopela ka go la Jesu Leina. Amene.

⁶⁶ Bjale a re phetleng ka go Puku ya rena ye bohlokwa, re letetše Kwana go bula mahuto, goba go re bulela Puku. A re phetleng bjale, re ka go tema ya 5 ya Puku ya *Kutollo ya Jesu Kriste*.

⁶⁷ Bjale, gomme go bagwera ba ka gohlegohle dikarolong tsa go fapano tsa lefase ba ba tla bego ba ekwa ye ka theipi ya makenete, ka mo nka no bolela gore ke swanetše go hlagiša dithuto le go ya pele go dira ye. Gomme motho e ka ba mang yo a se nago thuto ga a ne bodiredi. Kafao ge o sa nagane gore phuthego ya gago e swanetše go kwa theipe, gona e tloše go bona. Eupša ke no hlagiša kgopolu ya ka mong le maikutlo a ka mong, kutollo ya ka mong ya Lentšu la Modimo.

⁶⁸ Bjale, dikgwedi tše mmalwa tsa go feta re ile morago le go bea bokamorago bja . . . matšatši a se makae a go feta, a ke re, Re ile le go bea bokamorago bja tema ya 4, tema ya 3 go y go ya 4. Gomme bjale, Lamorena la go feta, re beile bokamorago bja tema ya 4 go ya go ya 5. Gomme bjale, lehono, re nyaka go bea bokamorago bja ya 5 le go bea motheo bakeng sa go tla ga ya 6.

⁶⁹ Gomme lehono ke morero wa ka go bea Mangwalo ka lenaneo, bakeng sa mohlomongwe bokamoso, ga ke tsebe e tla ba neng, eupša ge Morena a efa, letšatši le lengwe go tšeа kopano ya matšatši a šupago ka tabarenekeleng ka *Mahuto a Šupago*. Re bile le Mabaka a Šupago a Kereke, bjale re ya go tšeа mašego a šupago a mahuto a šupago a sephiri a Modimo, re bule lehuto bošego bongwe le bongwe go fihla go etla tlase go Mahuto a Šupago. Bjale, ga ke tsebe ke neng Morena a tla neelago yeo, eupša, ge A dira, Ke ya go no bea bokamorago bja se mosong wo.

⁷⁰ Gomme go ya fase go ditemana tsa mafeleo tsa le lengw- . . . karolo godimo mo, goba karolo ya Lengwalo, re tla tliša *Dibeke Tše Masome A Šupago Tša Daniele*. Gomme dibeke tše tharo tsa mafelelo, ra e tlema ka gare le Mogobo wa Pentecostal wo o tlišago batho ka gare go a maf- . . . mahuto a mafelelo, gomme ka gona re dutše komana bakeng sa Kwana go bula mahuto.

⁷¹ Gomme, elelwang, mahuto ke selo sa sephiri. Puku e be e tswaletše gomme e be e le ka morago, e be e ne mahuto a šupago ao ebile a bego a se a utollwa ka Pukung. Dilo tše ebile ga se tsa ngwalwa ka Beibeleng. Eupša, ge e ka ba mang a ka fa tlhathollo ya sona, e tla swanelo go bapela le Beibele ka moka. Gomme, oo, ke na le nnete le ya go hwetša tšhegofatšo go tšwa go yona, goba ke a nagana le tla. Ke a tshepa le tla.

⁷² Ke no se kgone go apara jase ya ka ka nako go tla fase mo seetšeng se sa moso, gobane e be e le . . . Ke be ke dutše ka kua, ke bala, gomme Moya wo Mokgethwa o be o no ba lefula godimo ga ka le godimo le go loka ga Gagwe. Gomme ke . . . Ge ke bone seo, ke naganne, “Oo, ge nka no kgona go e bolela tlase kua ka tsela ye O e fago go nna mo, bohle re tla ba le nako ya kgonthē.” Eupsā, ka mokgwa wo mongwe, ge o fihla godimo pele ga batho, nako yeo ga o ikwеле boka o dira ge o le go wenamong ka thapelong, goba e ka ba eng gape.

⁷³ Bjale go thoma morago go temana ya pele, re a hwetša . . . Bjale go fa bokamorago moo re tlogetšego Ľamorena la go feta, re hwetša ka mo gore Paulo, godimo ka go Baefeso 1:13 le 14, o re boditše gore re . . . na le netefaletšo ya phološo ya rena, netefaletšo ya topollo ya rena. Gobane ke Moya wo Mokgethwa wo o lego netefaletšo ya topollo ya rena. Gomme ye . . . Dibeke di se kae tša go latela tša thuto di tla be di theilwe godimo ga topollo, le a bona, godimo ga topollo, e sego godimo ga tokafatšo. Aowa . . . E theilwe godimo ga topollo; e sego godimo o—o ofisi ya poelanyo ya boboelanyi, eupša godimo ga *balopollwa*. Oo, bohwa bjo bo bego bo lahlegile goba bo lobilwe gomme bo lopolletšwe morago go rena gape, le ka fao bo tliego le ka fao Modimo a bo polannego pele ga ge go ka tsoge gwa ba lefase, le ka moo Kereke e kgwapareditšego ka polokego ka gona.

⁷⁴ Ke a nagana go tla go nako moo re swanetšego go tseba re ema bjang. O ka kgona bjang go dira e ka ba eng ntle le ge o na le tumelo ka go seo o se dirago? O swanetše go ba le tumelo. Gomme woo ke morero wa ka wa go dira se le kereke mo, ke go fa badumedi tumelo le boitshepo ka go se ba se emelago, gobane ke Lentšu la Morena. Ka gona ge feela ka Lengwalo e beilwe ka boikemo go tloga go Genesi go ya ka go Kutollo, morago le pele, le godimo le fase, e sego tsela bakeng sa diabolo go tsena ka kua felotsoko, gona le na le boitshepo bja go phethagala, le a bona, le tseba mo le emego.

⁷⁵ Selo sa go swana se tla ba ka kgaetšedi wa rena mo yo a lego ka setulong sa bagolofadi, goba mohlamong ba bangwe ba ba babjago le go tlaišega. Ge o ka kgona go ba le kwešišo ya go phethagala gore “ke kgahlego botse ya Modimo go go fodiša,” ga go bodiabolo ba go lekanelia ka nageng go go swarelila o babja. Le a bona? Yeo ke nnete, ge o kwešiša gore ke kgahlego botse ya Modimo go go fodiša, gore O go diretše yona, gomme o a kwešiša gona ka fao gore o swanela go dira selo se se itšego.

⁷⁶ Go ka mokgwa wo. Ge ke go boditše ka pelo yohle ya ka . . . Ge o swerwe ke tlala gomme e go swere go iša lehung, gomme o na le tshepo ya godimo ka go nna bjalo ka motho wa therešo, gomme ke go boditše mo go bego go letše ditolara tše sekete, o ya go e hwetša bjang, o ye ka tsela efe, tlwa mo o yago, gomme o a kwešiša tlwa mo tšelete e letšego. Le a bona? Ka gona o tla thoma go

hlalala thwi nako yeo, feela go swana le ge o na le tšhelete, ge o nkgolwa.

⁷⁷ Kafao, le a bona, pele o ka tsoge wa hwetša...ikwela phapano e ka ba efe goba e ka ba eng gape, o ka no thaba kudu ka phodišo ya gago ka gore o “e hweditše,” gobane o ne nnete go tlala o na le yona, gobane o ne boitshepo ka go Yo a go tshepišitšego yona. Le a bona? Le a bona? Ya gago—ya gago tshepo ke gore ga A kgone go aketša, gomme O go boditše tlwa mo e bego e letše, gomme ka gona o—o na le tshepo gore o a ya, o šetše o na le yona, gobane yeo ke tumelo ya gago e lego netefaletšo ya topollo ya gago.

⁷⁸ Ka mantšu a mangwe, o leka go lopollwa go tšwa bolwetšing, gomme tumelo ya gago ke sebagona sa yela ya go šegofala... goba, a ke re, ke netefaletšo ya phodišo ya gago. Ge feela se sengwe se re ka pelong ya gago, “Ke nna Morena yo a go fodišago,” seo e no ba gabotse, seo ke sohle o se hlokago. Seo ke...Oo, o ka thoma feela ka go thaba, ga go kgathale go direga eng. Ge o sa e hwetše, ge o hwetša go befa, o sa nno thaba bjalo ka ge o be o le, o fodile go phethagala, gobane o na le netefatšo yela gore go fedile. Ke ba bakae ba kwešišago seo bjale, a re bone seatla sa gago. Ke lena bao. “Ke bohlatse bja dilo tše di sa bonwego.”

⁷⁹ Bjale, re a hwetša gona gore ka go mathomo a a pele a tema, gore re a hwetša gore ya pel...tema ya 5 e no ba kota ya go tlemelela, ke—ke le—le lehuto la taamane le le tlemago karolo ya mafelelo ya lebaka la Kereke, la tema ya 3. Tema ya 4 e bolela se Johane a tšeetšwego godimo ka Legodimong. Gomme tema ya 5 e lokišetša tše...Mo le ilego ka Mabaka a Šupago a Kereke, ka gona Johane o phagamišetšwa godimo ka go tema ya 4. Gomme tema ya 5, o no beakanya tiragalo fa bakeng sa go bulwa ga Mahuto a Šupago. Feel a bjalo ka ge a dirile ka go tema ya 1 ya Kutollo, go bula tsela bakeng sa Mabaka a Šupago a Kereke (kua O eme ka go dihlomakerese tše ſupago tša gauta, gomme Yena ke wa go lebega bjalo ka leswika la Jasepere le Saritine), gomme O lokiša bakeng sa Mabaka ao a Šupago a Kereke.

⁸⁰ Bjale O lokiša bakeng sa go bulwa ga Mahuto ao a Šupago a topollo. Le a bona, seo ke se tema ya 5 e lego. Ke lebaka leo ke mohuta wa go e bala gomme ka gona go no e tšea go tšwa fao, le go bolela ka yona le go fa dikarolo tše dingwe tša Lengwalo; ke ka gobane ga se temana ka temana, se sengwe se se diregago, ke go lokišetša se sengwe go direga. Gomme ge o hwetša tokišetšo, gona o nno...o komana bakeng sa yona nako yeo. Gomme ke tsela ye go le go ka gona ka tumelo goba e ka eng gape. Bjale, le, mahuto...

⁸¹ Ke ne Mangwalo tsoko le ditshwao le go ya pele a ngwadilwe fase mo. Bjale, ka go Baefeso 1:13-14, re...ge le be le nyaka go e ngwala fase, gore, “Re na le netefaletšo bjale. Moya wo

Mokgethwa ke netefaletšo ya bohwa bja rena.” Ka mantšu a mangwe, Ke netefatšo, *netefaletšo* ke “netefatšo,” “peeletšo” gore re amogetšwe ka go Kriste. Ke kholofelo ye e šegofetšego le inšorense gore re na le Bophelo bjo Bosafelego gomme re bajabohwa ba se sengwe le se sengwe seo A re reketsego sona. Oo, nna! A le kgona go e bona?

⁸² Oo, ge re swailwe ka Moya wo Mokgethwa (ke tšwelapele ke e tsopola gobane ga ke le nyake le e foša), ke leswao la Modimo la tiišetšo gore se sengwe le se sengwe se Kriste a se hwetšego ke sa rena. Ke Modimo a re, “Ke le amogetše bjale, gomme Ke tla le fa Leswao le gore le no ba le letile bakeng sa nako yela,” go topollo ya botlalo ya rena, gomme ke gore re šetše re lopolotšwe seripa.

⁸³ Bjalo ka ge ke boletše Lamorena le lengwe, ke a dumela e be e le, tlase *mo* ka go mothalo wo wa fasana ke moo modiradibe a otlelago: tebetebi, ditšhila, tšhila, lekgwara. Bjale, o...ba ka no be ba hlwekile bjalo ka...ba hlapa diiri tše dingwe le tše dingwe tše nne, ba ka no apara diaparo tše kaone kudu, ba ka no ba dirutegi tša go natha; gomme ba ba tšhila le ditšhila bjalo ka maboto a go kgamathela ka heleng, ka soulong ya bona. Le a bona?

⁸⁴ Bjale, Mokriste o otlela ka godimo ga fao, gobane o na le netefaletšo ya bohwa bja rena godimo *mo*. O topetšwe godimo, a phagamišeditšwe godimo go tšwa lekgwareng lela le tšhila; godimo *mo*, gomme o otlela godimo ga yona. Oo, ke rata seo! Bjalo ka Paul Rader a boletše nako yela godimo ga kota, le a tseba, o rile, “Ke otlela godimo ga yona! Ke no otlela godimo ga yona!” Ke mo e lego bjale:

Netefatšo ye go šegofala, Jesu ke wa ka!

Oo, a tatsopele ye nnyane (Ke ile ka dumelelw
go gamola mo Mothopong.) ya Letago
Kgethwa!

Bjale ke nna mojabohwa wa phološo, ke
rekilwe ke Modimo,

Ke tswetšwe ka Moya wa Gagwe le go
hlatswiwa ka Mading a Gagwe.

Ga go makatše ye ke kanegelo ya ka, ye ke pina
ya ka,

Go opela tša rena ditu-...go opela ditumišo
tša Gagwe letšatši lohle botelele.

⁸⁵ Le a bona, go phagamišetšwa godimo ka godimo ga meriti, ka ntle ga makgwakgwa, tatsopele! Re na le netefaletšo bjale ya bohwa bja go felela bja rena, gobane Modimo o šetše a gogile go lokolla medu ya fase go tloga go dilo tša lefase gomme o re bjetše go mafelo a godingwana; o mphagamišeditše ntle, a ntloša go mpea, a mphetola go tloga go dilo tša lefase; a tloša medu, makala, se sengwe le se sengwe, gomme a mphagamišetša godimo, go tšwa go letsopa la go thelela, go tšwa go tebetebi ya

kgale ya sebe; gomme a mpšala godimo ga ntlhora ya Thaba ya Sione, ke dutše ka serapeng sa dikenywa sa baratwa, Bakgethwa ba Modimo. Gomme bjale ke rena badudi ba Mmušo woo, banešu le dikgaetšedi ka go Kriste Jesu, ditšila tšohle le manyala le go šišimiša di sepetše go tšwa menaganong ya rena. Meetse a rena . . . mebele ya rena e hlapišitšwe ka meetse a go seka gomme dipelo tša rena difafaditšwe ka Madi a Morena Jesu, gomme Moya wo Mokgethwa o dula ka phefšana ya Gagwe e foka go kgabola makala a rena letšatši lohle botelele, o a re šušula le go re kgorometša le go re dira go tšea medu ya gabotse le go gola go teba go ya fase. A seo ga se makatše? "Netefaletšo ya phološo ya rena."

⁸⁶ Bohwa bja rena bja go lahlega, tema ye e a utolla. Bohwa bja rena bja go lahlega bo tteleimilwegape ke wa rena yo bohlokwa, Molopolodi yo bohlokwa wa Lelokokgauswi. Kafao Modimo a tliego fase le go ba . . . a fetola leemo la Gagwe go tlogeng go Modimo gomme a dirwa motho, gore a be motho, go ba Molopolodi wa Lelokokgauswi wa motho, go lopollela morago lefase la tlhago go motho wa tlhago. Amene! Ka fao Modimo (Mokagodimogatlhago) a bilego wa tlhago go ba wa Lelokokgauswi, gobane O be a ka se ganetše melao ya Gagwe Mong. O ile a swanela go tla ka bolo- . . . bolopolodi bja lelokokgauswi ka gore yeo ke tsela A . . . ye ke polane ya Gagwe. Ke tsela yeo A e dirilego.

⁸⁷ Modimo o tsebile gore motho o be a tla wa, efela Yena ga se a kgona go dira motho gore a we. Modimo o tsebile motho o be a tla lahlega, le ge A be a sa nyake le ge e ka ba mang go lahlega. Eupša go dira gore pealatšo ye kgolo ya ditholwanakgopololo tša Modimo e ke e bonagatšwe go motho ohle, gore A kgone go ba Molopolodi, A kgone go ba Mopholosi, motho o ile a swanelwa ke go wa. Go be go le ka go yena go wa, ka gona go be go le ka go Modimo go mo lopolla gape. Ke leo le- . . . re ile ra swanela ke go ba le nako ya bošego, go dira nako ya mosegaro go ba gabotse. Re swanela go ba le bolwetši go re dira re ipshine ka go phelega. Se sengwe le se sengwe, monyetla thekgo. Bjale, gomme Molopolodi wa rena wa Lelokokgauswi . . .

⁸⁸ Bjale, ke le nyaka le hlokomele mo. Ke lebeletše thwi fase go tema ya 5, ge a e lebeletše, "Se boife!" Ka go tema ye ya 5, "Se boife!" Le a bona, fao ka mehla . . . Ga o nyake go tšhoga ka e ka ba eng.

. . . *yo mongwe wa bagolo o rile go nna, Se lle: bona,
Tau ya leloko la Juda, Modu wa Dafida, e fentše go bula
puku, le go tlemolla mahuto a yona a šupago.*

. . . *gomme, bona, lebelela, ka go . . . bona, ka gare ga
terone le . . . dibata tše nne, . . . magareng ga bagolo, go
be go eme Kwana . . .*

⁸⁹ “Kwana.” Gobaneng a se a bona Kwana pele? Kwana e be e dutše godimo ga Terone ya Tate, ka gare ga ba—ba bahlapetši. Johane ga se a kgone go bona ka kua, o bone feelsa tšela tša hlogo tše nna . . . goba dibata tšela tše nne di eme fale, goba Bakerubi ba bane bale ba bego ba eme kua ba hlapeditše Lefelo le Lekgethwa. Gomme re bile le yona Lamorena la go feta, le godimo ka go dithuto tše dingwe, gore o bone yeo eupša ga se a kgona go bona se se bego se le ka morago ga yeo. Gomme ka kua, gohle gatee, go tšweletše fao . . . feelsa ka sephiri, ka pelapela, go be go le yo Motee, Kwana.

⁹⁰ Bjale, go laetša E be e se sebata sa tlhago, kwana, gobane E tšere Puku go tšwa seatleng se setona sa Yena yo a bego a dutše godimo ga Terone; kwana e be e ka se kgone go dira seo, le a bona. O be a le—O be a le—O be a le Kwana, e be e le Kriste. Ka mantšu a mangwe, ka go ditholwanakgopoloo tša Gagwe O be a le bonolo le boleta boka kwana.

⁹¹ Bjale, hlokamelang, e be e le Molopolodi Kwana, Molopolodi Kwana go no swana le mathomong. Modimo a ka se tsoge a kgona go fetoga! Amene! Molopolodi wa pele e be e le kwana, ka serapeng sa Edene, e bile kwana ye Modimo a e neetšego. Gomme še yona gape, thwi godimo ka go Kutollo, ke Kwana gape. Go lopolla eng? Leemo le the welego le bohwa bjo bo welego bja morafe wo o welego wa batho. Kwana e tla morago go lopolla, boka ya rena mathomong, go re lopolla.

⁹² Go lopolla eng? O ya go re lopolla ka ga eng? Go roba . . . go e tliša go . . . Eng kapa eng ye e lopolotšwego ke se sengwe se se bego se lahlegile. Ke se sengwe se se bego se lahlegile gomme ka gona se tlišitšwe morago gape. Ke eng A se tlišago morago go rena, Kwana ye? Se sengwe le se sengwe re bilego le sona mo mathomong.

⁹³ Re be re na le eng mo mathomong? Bophelo bjo Bosafelego. Re be re le bajabohwa ba lefase. Re be re ne Bophelo, re be re se ra swanela go hwa. Re be re se ra swanela go babja. Re be re se sa swanela go tšofala. Re be re se ra swanela go ba le matshwenyego e ka ba afe. Moo go sego poloko, go sego mabitla, go sego bobe, go sego lehu, go sego moriri o mopududu, go sego magetla a go kobama, go sego go hlonama, go sego go lla. Re be re ne Bophelo, Bosafelego! Re be re ne taolo godimo ga lefase lohle. Re be re no ba modimo (yeo ke phetho) godimo ga lefase; re sepela go rarela, gomme ge mohlare wo o be o sa lebege botse o emego mo, re be re tla no re, “Tomoga gomme o dule godimo mo,” gomme o be o tla e dira. Diphefo di be di foka, re be re sa nyake diphefo go foka, “Khutšo, homolang,” gomme e be e e dira. Gomme O be a tlide go dira eng? Go lopollela tšohle tše morago go rena gape (Oo, oo, oo, oo, nna!), go bušetša tše tšohle morago gape.

⁹⁴ Gomme bjale tlhago ka go yonamong e a tsetla, e letile eng? Diponagalo tša barwa ba Modimo, bakeng sa barwa ba Modimo go bonagatšwa.

⁹⁵ Gomme re na le netefaledšo ya phološo ya rena bjale, gomme re ka kgona go tšeа ngwana wa borena yo a hwago ka kankere, le go ema ka mohemo wo monnyane wola wa topollo, le go rapela thapelo ya tumelo godimo ga gagwe ye e tla retollelago monna wa moriti morago go monna wa go phelega gape; re tla dira eng ge phahlo ya rena ya go tlala e etla? Amene!

⁹⁶ Tlhago e tseba seo. Tlhago e a tsetla gomme re tsetla le yona. Tlhago e letetše diponagalo tša barwa ba Modimo, gobane tlhago e rogakilwe le mong wa yona. Ge mong wa yona a be a rogakwa, (wa godimodimo), ka gona tlhago e wele le mong wa yona. Eupša ge Molopolodi yo wa Lelokokgauswi a etla (Haleluya!) gomme a lopolla motho yo e lego mong godimo ga tlhago. Ka gona tlhago yohle e letile bakeng sa monna, mong.

⁹⁷ Re dira eng? Re tšeа selepe gomme ra se bea ka diatleng tša rena gomme ra remela mohlare fase ge re nyaka go dira; eupša letšatši leo re ka se dire seo. Amene!

⁹⁸ Tlhago yohle e letetše mong wa yona. Gomme mong ke barwa ba Modimo ba ba filwego lefase le. Bjale, Modimo o tla ba le magodimo a Gagwe, nnete, eupša le le filwe motho. Gomme Molopolodi wa Lelokokgauswi o tla go re lopollela morago go se re se lobilego. A botse bjang! Nna! Ke no nagana yoo ke... “Molopolodi Kwana.”

⁹⁹ Ge mošomo o fedile, re na le dilo tšohle gape. Mohuta mang wa dilo tšohle? Re na le maatla ohle. Re na le Bophelo bjo Bosafelego. Re na le go phelega go Gosafelego. Re na le boswa bjo Bosafelego. Re na le maatla a Gosafelego. Oo, re no ba Gosafelego le Gosafelego! Gomme, ka gona, bohle re letetše nako yeo go tla, re letetše le go tsetla, re letile.

¹⁰⁰ Gomme Puku semenwagašupa ye ya dipolane tša topollo tše šupago e tlesitšwe go rena, gomme seo ke se Puku ye e se swerego. Bjale, re ya go ya godimo ka go tema ya 10 moo Morongwa yo maatla yo a kwalakwatšago se sengwe seo... gomme O be a ne Puku ye nnyane yeo Johane a bego a swanetše go e ja. Gomme ge a dirile, o bile le yona ka mpeng ya gagwe gomme e be e galaka, eupša ka dipounameng tša gagwe e be e le ye bose.

¹⁰¹ Ge o swanetše go E šila, ka gona e ba go galaka, yo mongwe le yo mongwe o kgahlanong le wena, yo mongwe le yo mongwe o a bolela “O mopshikologimokgethwa, o se, sela, goba se sengwe.” Le a bona? “Wena o—wena o—wena o a gafa.” Kafao go bothata go E šila; eupša ge o paka ka Letago la Gagwe, Ke ye bose ka go dipounamaa tša gago. Yeo ke phetho. Le a bona? Gomme ge o eme ka kopanong, o re, “Letago go Modimo! Halel-...” Oo, ge o eya go kgabola tlhaselo ye kgolo yela, go bothata; eupša ka gona ge o tšwele ka tlhaselong ye kgolo yeo o ka kgona go paka

ka yona, ka gona Ke ye bose ka dipounameng. Le a bona? Yeo ke nnete. Ke Puku ye ya topollo.

¹⁰² Bjale, bjale, re nyaka go fa seswantšho se sengwe gape se sennyane ka go temana ya 5 mo, gomme ka gona re tla thoma godimo go . . . hwetša temana ya rena ya 6 le go thoma. Bjale, ke le nyaka le hlokomele ka go polane ya topollo kafao Modimo a e bontšhitšegopele, O e šomile ka go phethagala ka go Ruthe le Boase. Ke . . . Ke moo re feditšego Lamorena la go feta. Bjale, ke nyaka go thoma thwi fao bjale, lehono, ka Ruthe le Boase.

¹⁰³ Bjale, go diteše tše nne, goba, magahlano a mane ka go Ruthe le Boase. La pele ke Ruthe a *tšeа sephetho*. Ke ba bakae ba kilego ba kwa . . . nna ke rera molaetša? A re boneng diatla tša lena. Ke a tseba . . . Gabotse, lena bohle, ke a thanka. Ke bile le ona mo, le go ba le ona godimo ga ditheipi le go ya pele. Ruthe, pele, o ile a swanela go *tšeа sephetho* ge eba o be a eya go ya ka nageng ye, goba aowa, le Naomi. O ile a swanela go *tšeа sephetho*. Ka gona morago ga ge a fihlile kua, selo sa go latela a bego a swanetše go se dira e be e le go *direla* ka tšhemong ya Boase; ntle kua, ka maoto a go ponoka, a budutša ka morago ga babuni, a direla. Gomme ka gona ka morago ga ge a hweditše mogau mahlong a Boase, ka gona o ile a swanela go *leta* go fihla Boase a dirile bolopolodi bja lelokogauswi, go buša tšohle Naomi a di lobilego gore a tliše Ruthe ka gare, Momoaba. Gomme ka gona legato la go latela, ke—ke Ruthe o a *putswa*.

Bjale, hlokamelang. Ruthe, o *tšeа sephetho*, go phethagala . . .

¹⁰⁴ Oo, mang kapa mang o bolela “gore Beibele e be e se ya šušumetšwa,” go na le se sengwe sa phošo ka bona. Lentšu le lengwe le le lengwe la Yona le šušumeditšwe, Lentšu le lengwe le le lengwe la Yona le lekanel a thwi mmogo go no swana le neeletšano godimo ga—godimo ga—godimo ga lepolanka. Le no ya go phethagala mmago boka diale godimo ga lebilo le maatla le dikologa, go no bewa nakong go milione wa motsotswana, gabotse feela tlwa.

¹⁰⁵ Bjale, hlokamelang ka go ye bjale, Ruthe, o *tšeа sephetho*, o ile a swanela ke go dira sephetho sa ge eba o be a eya go *tšeа sephetho* go ya mošola goba aowa. O ile a swanela go *tšeа sephetho*. Bjale, yeo ke tsela ye modumedi yo mongwe le yo mongwe a swanetše go dira. O swanetše go tlogela dinkokoi tša gago tša kgale, o swanetše go tlogela bophelo bja gago bja kgale, o swanetše go tlogela tša kgale—dilo tša kgale tša lefase.

¹⁰⁶ Ngwanešu Roy, a Kgaetšedi Roberson o babjitše? Oo, ke ile ka no gopola mohlomongwe o be a babja goba se sengwe. Ke be ke eya go re mo tliše godimo mo ge a bile le go babja goba se sengwe.

¹⁰⁷ Ba ile ba swanela go tlogela dinkokoi tša bophelo bja kgale, goba sengwe boka seo, le—le go tshelela mošola ka go naga ye

mpsha, le batho ba baswa ba o sego wa tsoge wa ba tseba pele. A ke se o se dirilego, wa ba Mokriste? O tlogetše kamora ya go kempola, o tlogetše ditlelapo tša bošego. O ile wa swanelia ke go tla mošola ka go batho ba ba lebegago boka ba bile le kgogego ya mešifa, ba tlhakgasetše le go roromela le go lla, gomme ba šikintše dihlogo tša bona le go tabogela godimo le fase, gomme, gobaneng—gobaneng, e be e le—e be e le se—se—“sehlopha sa go gafa” go wena. Kafao o ile wa swanelia go tsea sephetho ge eba o tla ya goba aowa. Yeo ke nnete. Gomme o tsebile gore ge o dirile, batho ba geno ba be ba eya go dira metlae ka wena, bao o ba tlogetšeego. A yeo ke nnete? Seo e no ba go iteragela. O no... ba tlamegile go letela seo le go thoma, gobane ke tsela ye go lego.

¹⁰⁸ Bjale, Ruthe o bile le selo sa go swana. Bamoaba ba be ba tla reng go yena ge a kgabaganyeditše mošola go ya mošola go Israele, go sehlopha sa mahlanya? Le a bona, o ile a swanelia go dira sephetho. O ile a swanelia go tsea sephetho. Gomme o swanelia go tsea sephetho. Gomme, mafelelong, ge a dirile sephetho sa gagwe, o ile mošola ka go na—na naga ye mpsha.

¹⁰⁹ Bjale, yeo ke tokafatšo. A yeo ke nnete? Bjale, šetšang Kereke ye. Oo, e phethagetše.

¹¹⁰ Le tseba ka fao re... Ke ba bakae ba lena ba kwelego ka *Peu ya Abraham* ge ke rerile ka yeo? Ka fao yela *tokafatšo, tlhwekišo, kolobetšo* ya Moya wo Mokgethwa. Bjale, bonang ge eba ye e gabotse goba aowa.

¹¹¹ Ruthe, o dira *sephetho* sa gagwe, sekai sa Kereke, Kereke ya Bantle. O tšere sephetho, gomme a kgabaganyetše mošola ka nageng. Bjale, dinako tše ntši, rena Mamethodist le Mabaptist, re nagana ke sohle o swanetšeego go se dira. O be a sa nno thoma! O be a se a be a ya felo, o be a nno ya mošola ka nageng.

¹¹² Bjale, selo sa go latela a bego a swanetše go se dira, o ile a swanelia go šoma. O ile a ba wa molao. O ile a swanelia go “šoma phološo ya gagwe mong ka poifo le thothomelo” boka le dirile. O ile ntłe ka tšhemong gomme a apara diaparo tša gagwe godimo ga gagwe, gomme a ya ntłe ka tšhemong gomme a budutša ka morago ga basetsana gore a hwetše dijo tša go babalela bakeng sa letšatši. A ke nnete? O be a dira eng? O be a leka go hwetša lerato go Boase. Kafao o šomile tsela ya gagwe ka legato la semolao.

¹¹³ Gomme seo ke tlwa Kereke e se dirilego. Maluther ba Le dumetše ka tumelo gomme ba tla ka nageng. Eupša Methodist e rutile tlhwekišo, e bego e le ntłha ya semolao ya Yona, le a bona, “O swanetše go dira se sengwe.” “Ke swanetše go tloga! Ke swanetše go tlogela moriri wa ka o gole,” go boletše basadi. Nnete, ga ba sa e dira gape; eupša ba—ba be ba e dira, ba tlogela moriri wa bona go gola. Ba ile ba swanelia go tlogela go tlotša dipente difahlegong tša bona. Ba be ba sa apare tša bona—dikhethe tša bona go fošagala le—le, goba, šothi boka ba bangwe

ba be ba dira. Ba be ba swanelo go dira se sengwe. Le a bona? Ke seo a se dirilego, seemo sa tokafalo, seemo sa tlhwekišo.

¹¹⁴ Bjale, ge mafelelong a hweditše go ratwa ke Boase, go diregile eng? Ka gona Naomi o mmoditše, “*O lete mo ge Baose a sa dira mošomo wa molopolodi wa lelokogauswi, gobane ke yena a nnoši a ka kgonago go o dira. Ke molopolodi wa rena wa lelokogauswi wa kgauswi, gomme nno leta mo. O se sa ya ka mašemong. O se ke wa dira se, sela, goba se sengwe. O no leta go fihla bolopolodi bja lelokogauswi bo phethagaditšwe.*” Gomme o ile a *khutša*. Amene!

¹¹⁵ Ke tlwa se Kereke e ttilego go sona ka go legato le la mafelelo la Pentecost. Le a bona? Mathomong a Pentecost bohle ba šomile gomme ba “ile ba swanelo go dira *se*,” gomme ba ba šikintše le se sengwe le se sengwe gape. Bjale Kereke e dira eng? Kereke ya therešo e no *khutša*. *Khutšo* ke eng? Še yona, *Khutšo* ke “Moya wo Mokgethwa,” letšatši la *sabatha*. (Maseventhday Adventist ba nyaka go re botša, le a tseba, go beng sabatha ya letšatši la bošupa goba se sengwe boka seo.) Ka go Bahebere tema ya 4, e rile, “Rena ba re tsenego ka *Khutšong* ya Gagwe re kgaoditše go tloga go mediro ya rena bjalo ka ge Modimo a dirile go tloga go ya Gagwe.” Kafao *sabatha* ke Moya wo Mokgethwa.

¹¹⁶ Gomme ka gona ge Ruthe a be a *khutšitše*, e be e le sekai sa Kereke e khutšitše ka ditshepišong tša Modimo! Re na le netefaletšo bjale ya phološo ya rena. Ga re tshwenyege ge eba re ya kua mošola goba aowa, re a ya! Yeo ke nnete. Modimo o boletše bjalo! Modimo o e tshepišitše gomme re na le netefaletšo (Amene.), re šetše re amogetšwe, Kriste o re amogetše. Ga go tsela ya go tloga go Wona bjale, re kua! Amene! Sohle re swanetšego go dira e no ba go leta go fihla . . . O tsea . . . O tlase o dira Bolopolodi bja Lelokogauswi. Re na le netefaletšo ya yona bjale, re letile nako ya ge A etla morago.

Gomme ka gona selo sa go latela Ruthe a bego a le, Ruthe o ile a *putswa*.

¹¹⁷ Seo ke se Kereke e se dirilego. E tsene ka go tokafatšo, ka fase ga Luther. E ile ka go tlhwekišo, ka tlase ga Wesley. E ile ka go kolobetšo ya Moya wo Mokgethwa, ka go matšašti a a mafelelo. Gomme bjale re *khutšitše* ka netefaletšo ya bohwa bja rena gore re a tseba gore se sengwe se diregile ka go rena, re fetile go tšwa lehung go ya Bophelong, gomme re letile, re tsetla le tlhago, bakeng sa nako yela ge re tla amogela Bophelo bja gosehwé, bottlalo bja gosehwé; mebele ya rena e tla lopollwa. Se sengwe le se sengwe se lopolotšwe, gomme re nno letela go tšwa go Yena go boela morago go tloga kgorong. Amene!

¹¹⁸ Ka gona eng? Ruthe o ile a *putswa*. Moo ke nako ye re tla putswago. Ke seo Puku ye ya mahuto a šupago e yago go se bula go rena. Ke eng dilo tše? Ke diphiri. Ga se tša ngwalwa ka Lentšung, di swanetše go utollwa ke Moya wo Mokgethwa;

eupša ge le ka hlokomela, gabotse, di a utollwa gohle go theoga go kgabola Mangwalo eupša di be di utilwe go tloga go batho. Ge re fihla go lenaneo la maina morago ga lebakana, le tla bona ka mo le beakantšwego, ka gona le tla tseba feela ka mo tšona dilo di bulegago.

¹¹⁹ Bjale, ee, a *khutša*. Se Ruthe ka fase ga tokafatšo... A le a e bona, e reng “Amene.” [Phuthego e re, “Amene!”—Mor.] Ruthe ka fase ga tlhwekišo, a *katane*, mamolao. Ruthe, a *khutša*, a letile Boase a bowa go tšwa go mošomo wo o fedilego.

¹²⁰ Bjale, Boase wa rena o feditše mošomo mo Khalibari. Eupša pele A etla go re tšea go ya Legaeng la Gagwe, O ya Gae pele ka (go Johane 14) go re lokišetša lefelo. Letago!

Dipelo *tša lena di se tšhoge*: ge le *dumela go Modimo*,
dumelang le go nna.

Ntlong ya Tate wa ka go na le dintlokgorparara tše ntši:
ge go ka be go se *bjalo*, *nkabe Ke le boditše*. Eupša Ke
tla ya gomme ke ya go le lokišetša lefelo.

Gomme... bowa gape, go le amogela...

¹²¹ Le a bona, Boase o ya tlase, o dirile eng? O ya tlase, o a ema... o tšere bagolo gomme o ile pele ga kgoro, a rola seeta sa gagwe, gomme a re, “Anke go tsebje lehono gore ke lopolla Naomi le bohwa bjohle bja gagwe.” O na le Momoaba le bjona.

¹²² Gomme ge Jesu a tlie, O be a tlie go lopolla mang? Israele. O dirile eng go tšea Israele? O hweditše Monyalwa wa Montle. Nnete, O dirile, ge A tšere Israele. O ile... Gomme O ile go ba Gagwe Mong, O ile a tlamega. Ke selo sefe sa pele A ilego a tlamega go se dira? Go lopolla ba Gagwe Mong. Gomme Kereke ya Montle e no ba samme go mosadi yola, kereke ya Baisraele. Nnete! Kafao O ile a swanelia go lopolla Israele gore a hwetše Ye. Gomme o ile a tlamega go lopolla Naomi gore a hwetše Ruthe, monyalwa wa gagwe.

¹²³ Bjale, o dirile eng? Pele a be a ka mo tšea... Oo, letago! Fše! O dirile eng? O ile ntle polaseng, ke a holofela o pentile se sengwe le se sengwe gohle le go bea magogwa a maswa godimo ga lebato. Oo, a—a ka no ba a agile ntlo ye mpsha. (Ka go taba ya rena, ke Ntlo ye mpsha.) Gomme o beile se sengwe le se sengwe komana, gomme ka gona o boile morago a apere matšoba bakeng sa monyanya. Amene!

¹²⁴ Ruthe ke ge a dirang? Le selo se setee. A khutšitše! A letile! Ga go sa le mekatano, ga go sa le dikgakanegokgolo!

¹²⁵ “A re tlamega go ba Methodist? A re tlamega go tšoena Baptist? A re tlamega go ba Presbyterian?” Aowa, mohlomphegi, e no hwetše Moya wo Mokgethwa gomme o khutše. [Lefelo la go se be le selo godimo ga theipi—Mor.]

Re šeditše go tla ga letšatši lela la lethabo la Miliniamo, (Letago!)

Ge Morena wa rena wa go šegofala a tla tla le go ubula Monyalwa wa Gagwe yo a letilego; Oo! Lefase le a tsetla, le go llela letšatši lela la tokologo ye bose, (Yona yohle: tlhago e a tsetla, matlakala a mogo, se sengwe le se sengwe se letetše letšatši lela la tokologo ye bose.)

Ge Molopolodi wa Lelokokgauswi a etla morago le go tšea Monyalwa wa Gagwe.

¹²⁶ Bjale O a khutša. Ka tlase ga tlhwekišo? Aowa. Ka tlase ga tokafatšo? Aowa. Eupša ka tlase ga bobedi *tokafatšo*, *tlhwekiso*, le go ya ka *Khutšong*.

¹²⁷ Bjale, Jesaya, tema ya 28 le temana ya 18, E re:

...molawana o swanetše go ba godimo ga molawana, ...mothalo godimo ga mothalo, ... gannyane mo, le gannyane mola: swara go tiiša go se se lokilego.

Gobane ka dipuonama tša go kekeretša le ka maleme a mangwe Ke tla bolela le batho ba.

...Gomme *ye ke khutšo*, ye ke sabatha...ye ke ge Kereke e eya ka gare go leta.

¹²⁸ Lebelela ka mo re tlidego thwi go kgabola tokafatšo, tlhwekišo, bjale go ya ka go kolobetšo ya Moya wo Mokgethwā: go khutša, go leta. Eng? Gomme bjale, bjale, ge re fihla go dikutollo tše le tla bona se e lego sona bjale. Le a bona? Ka fao seo se nogo... Dilo tše ga se di kgone go rutwa go fihla letšatšing le. Di be di sa, di be di sa kgone go rutwa. Di be di se tša bulelwa barwa ba batho. Beibele e boletše bjalo. Nka le laetša mo Lengwalong gore le rile se ka se bulwe go fihla (barwa ba batho), go fihlela letšatšing le. Gomme bjale re e fetša ka dilo tše kgolo tše tša go šegofala. Bjale... Go lokile.

¹²⁹ Temana ya 6... Goba karolo ya ya 5, mogolo ka go temana ya 5 o be a nepile ge a rile, “Bonang, Kwana!” Eupša, ge a lebeletša tikologong, o bone Tau. E be e le Tau go e na le Kwana. Eupša nako yeo e be e le eng? Mošomo wa Gagwe wa boboelanyi o be o dirilwe, boboelanyi. O be a... tlogela go ba Mmoelanyi mo bofelong bja lebaka la Kereke, go ba Tau ya leloko la Juda, mošomo wa Gagwe wa boboelanyi o be o dirilwe. Gomme o be a swanetše go ba Tau e bego e le Moahlodi, bjale, gomme O tšere... ge A tšere Puku go tšwa seatleng.

¹³⁰ Bjale, elelwang, ge monna a be a eya go lopolla (Le se ke la e lebala, bjale.), ge monna a be a eya go lopolla, o tšere banna le yena le go ya dikgorong tše toropokgolo, e lego bagolo, gomme fao o—o—o tsebišitše morero wa gagwe wa go ba fao. Seo ke se a se dirilego, o ile kgorong, a re, “Ke mo go itteleima

nnamong bjalo ka molopolodi wa lelokokgauswi le go bohwa bjo, gomme ke mo go itira nnamong go tsebja pele ga bagolo ba ba toropokgolo.” Le a bona?

¹³¹ Gomme ge... Johane o llile. Bjale, yo mongwe, bjalo ka ge ke boletše beke ya go feta, ba rile, “Se lle Johane gobane o be a sa kgone go hwetša yo mongwe a nago maswanedi.” E be e se seo. Motho ka fase ga khuetšo ya Moya wo Mokgethwa o be a ka se lle bakeng sa seo. Go nagana gore, “Gobane o be a se ne maswanedi,” mohlomongwe Johane yenamong o be a se ne maswanedi. Go be go se ne wa maswanedi. Eupša o be a sa lle ka baka la seo.

¹³² Ke a dumela o be a lla bakeng sa thabo gobane gore o be a bone polane yohle ya topollo e be e ngwadilwe ka go Puku ye mo. E be e se ka gobane go be go se yo a nago le maswanedi, gobane, fao go be go eme Kwana thwi fao e nago le maswanedi. Kafao o be a lla, fao o rile, “Oo, letago go Modimo!” Mo theeletšeng thwi ge a eya go goeletša. Bjale, eupša re mo hwetša mo a lla ka baka la gore o be a thabile kudu ka baka la gore Kwana e be e tšere Puku bakeng sa... go tšwa seatleng sa Yena yo a bego a dutše godimo ga Terone.

¹³³ Gomme ka pejana ge a dirile... Ge Morongwa yo, Morongwa yo maatla yo, a gooleditše “Ke mang a nago maswanedi?” o be a kwalakwatša thwi nako yeo, o be a kwalakwatša bakeng sa Molopolodi wa Lelokokgauswi. Gomme ka pejana ka morago, o rile, “Ke mang a nago maswanedi go tše Puku?” Ka gona se sengwe... Ka gona Johane a thoma go lla. Morago go diregile eng? O bone, fao go be go eme Puku. E be e le kua Yona, eupša ke mang a bego a ne maswanedi?

¹³⁴ Gabotse, Gabariele o be a eme kua, nnete, o be a ne maswanedi; eupša, le a bona, o be a se motho, gomme o be a le Morongwa. Gomme Mikaele o be a eme kua, o be a ne maswanedi; eupša o be a se motho, o be a le Morongwa. Kafao go be go tlamega go ba yo mongwe yo a tliego a ba motho wa lefase boka re dirile. Gomme ka gona ge a bone Kwana ye yeo e hlabilwego go tloga motheong wa lefase, e etla godimo, gomme o bone gore O be a hlabilwe tsela yohle go ya motheong wa lefase, ka gona Johane a lla. Amene! Gobane e be e le fao, o bone selo sohle. Le a bona?

¹³⁵ Gomme ka pejana ge a kwalakwaditše “Ke mang a nago le maswanedi?” o be a kwalakwatša go tla ga Molopolodi wa Lelokokgauswi. Gomme Yena šo o be a eme, Kwana. Gomme O dirile eng? O sepeletše godimo ga Terone moo Moya wa Modimo o bego o le gona, le go tše Puku go tšwa seatleng se setona sa Yo a dutše godimo ga Terone. Gomme bagolo bohle ba wetše fase le go re, “Wena o na le maswanedi gobane O hlabilwe.” Le a bona? Gomme ka gona O bile nako yeo... Puku ya Gagwe, goba

bonnyane Puku ya topollo, goba—goba Puku ya poelanyo ka go lebaka la Kereke e be e fedile, bjale O ba Molopolodi.

¹³⁶ Bjale, go utollwa ga ka fao A e dirile go ya go ba ka go Mahuto a a Šupago. Bjale, re a lemoga, ka go . . . boka ge Puku ya mošomo wa boboelanyi wa Gagwe o dirilwe, mošomo o be o fedile, bjale ka go ditema tše tharo tša mathomo tša Kereke, o fedile. Eupša bjale topollo, topollo e swanetše go utollwa. Yona ke eng? Bjale, ge A tšere Puku ye . . . Bjale, lekang go apara go nagana ga lena ga go teba, gobane, re ka tsoge ra hwetsa mašego a a šupago, le ya go—le ya go e hwetsa bjale.

¹³⁷ Ge o sa e hwetsa, e no phagamišetša seatla sa gago godimo, e re, “Ga ke—ga ke e hwetsa,” le a bona, lebelela, gobane ke le nyaka le be le nnete bjale.

¹³⁸ Bjale, hlokamelang “Topollo.” Morago, ka pela ka morago ga ge poelanyo ya Gagwe e dirilwe bakeng sa Kereke, ka gona O utolla Yenamong bjalo ka Molopolodi wa Lelokokgauswi. Le latela seo bjale? Gomme bjale O ya go utolla go Kereke ka mo A e dirilego. Gomme ka gona ge kutollo ye e šetše e thomile, gona seo se netefatša gore re mo mafelelong a tsela. Amene! Bjale, le a bona ge e ba Se . . . ge eba Ke therešo goba aowa, ge re eya go kgabola Mangwalo mo.

¹³⁹ Re a hwetsa: Ke eng e utolotšwego? Kutollo ya topollo ke eng, re lopolotšwe bjang? E nong go lebelela mo ka go mengwaga e se mekae ye ya go feta se se diregilego: kutollo ya Leina la Jesu ka go kolobetšo ya meetse, kutollo ya go se ye go hele ya Gosafelego, ga se gwa ke gwa tsebjia pele (le nagana gore baratwa ba lena ba tla ba ka Gosafelego). Le a bona?

¹⁴⁰ Gomme o ka se kgone go ba le Bophelo bjo Bosafelego ntle le ge o phološitšwe. O na le Bophelo bjo Bosafelego, ka gona o ka se kgone go swa ka heleng ka Gosafelego. O tla otletwa dibe tša gago ka bophelo bja tlhago, eupša o ka se kgone go ba le Bophelo bjo Bosafelego ka heleng. Ge o na le Bophelo bjo Bosafelego, gona o ka se kgone go swa go ya go ile gobane go na le sebopego setee feela sa Bophelo bjo Bosafelego. Gomme ke na le nnete Kereke e kwešiša seo.

¹⁴¹ Bjale, yona ke eng? Dilo tše dingwe ke eng? Polane ya topollo. E nong go lebelela se se filwego rena moragonyana ke Moya wo Mokgethwa, le a bona: Peu ya Abraham, se kutollo e bego e se ra.

¹⁴² Peu ya sephente. Le bona Puku ye ya Kutollo? Šetšang ge re fihla go yona, ka mo e e ebolotšago. Gomme ke e netefaditše thwi mo ka Lengwalo, yeo ke Therešo tlwa. Ke ya bokgojana morago ka go Kut— . . . goba, bokgojana morago ka go Genesi le go e topa le go laetša ge lehuto lela le e bula go tla morago thwi go theoga go kgabola Beibele, go tloga go Genesi go ya go Kutollo.

¹⁴³ E nong go nagana, go tloga go Genesi go ya go Kutollo ga se gwa tsoge gwa ba yo mongwe a kolobeditšwego leineng la “Tate, Morwa, Moya wo Mokgethwa.” Kolobetšo ya maaka! Ke eme pele

ga bareri ba makgolotharo le metšo ba mokgatlo wo mogolo wa bodiredi wa Chicago letšatši le lengwe, gomme ka netefatša yeo go fihla bohle ba lla seng sa bona. Masomešupa a bona ba tla go kolobetšwa Leineng la Morena Jesu.

¹⁴⁴ Gomme peu ya sephente e bile go tloga go Genesi! Ge sephente e se ya . . . ga se a ba le peu, gona Kriste ga se a tswalwa; gobane O rile, “Ke tla bea bonaba gare ga Peu ya gago le peu ya sephente.” Gomme ge eba peu ya sephente e be e le nonwane kafao Kriste e be e le nonwane, kafao Kereke ke nonwane, e boneng yohle, le ka se kgone go e aroganya. Sephente e bile le peu, gomme yeo ke yona e ba šikintšego. Gobaneng ba sa kgone go e kwešiša? Gobane ga ba ne kutollo ya yona.

¹⁴⁵ Gobaneng ba sa tle le go ngangišana le nna? Phuluphithi e bulegile nako yohle, ke tla kopana le ge e ka ba mang. Nka se ngangišane le bona, eupša ka nnete ke tla e boledišana le bona, ge ba nyaka . . . Ke ba kgopetše thwi kua pele ga mokgatlo. Ke nyaka ba bangwe ba lena go mpotša e fošagetše! O se ke wa ema kgole sekhutlong le go bolela ka nna, ka yona, etla godimo go sefahlego sa ka gomme o eme. Anke—anke re be le yona ka kgonthe, anke re tle godimo mo gomme re bone yo a nepilego le yo a lego phošo ka yona. Eupša ba ka se e swarasware. Gabotse, ba tseba bokaone kudu. Le a bona?

¹⁴⁶ Gobane, e sego nna, eupša ke Moya wo Mokgethwa, yena Morongwa Modimo yo le mmonago. Go reng ka matšatši a mo ge dilo tšohle tše di direga, gomme Morongwa yo wa Morena a eme kgauswi? Ke be nka se tsebe dilo tše, eupša ke iri, e mo. Ge re ile go kgabola Meboya ye e šupago ye, dinaka tše di šupago, le dilo, lehono, ge Morena a rata, le tla bona mo e lego. Ke—ke iri ye re lego ka go yona ye dikutollo tša dilo tše di swanetšego go direga. Ke Puku ya dikutollo, go utollwa ga Jesu Kriste. Gomme re hweditše, yona tema ya pele, O utollotše O be a le mang. Gomme bjale O tšea Mahuto a Šupago, o utolla ka fao A lopolotšego lefase.

¹⁴⁷ Gomme ye nngwe ya tšona e be e le ka Leina la Jesu Kriste. Ye nngwe e be e le go ntšha letšhogo go batho, boka: Gosafelego, topollo ya Gosafelego, go lokafatšwa ka tumelo, tlhwekišo, kolobetšo ya Moya wo Mokgethwa. Le eng? Gore re bolokegile ka Gosafelego, go tloša dipelaelo tšohle tseleng go tšwa go batho. Ge o na le netefaletšo ya phološo ya gago, Modimo o šetše a go swaile go iša go letšatši la topollo ya gago. Baefeso 4:30 e re:

. . . le se ke la nyamiša Moya wo mokgethwa wa
Modimo, wo le tswaletšwego ka wona go fihla letšatši
la topollo ya lena.

¹⁴⁸ Bjale, o ya bjang go—o ya go kgeloga bjang? O ka no kgeloga, eupša o ka se kgone go lahlega. Gomme ge o dula ka go leemo leo, go laeditše gore ga se wa ke wa ba le Wona mathomong.

Eupša ge o le ngwana wa Modimo, “Morapedi ge a hlatswišwe gatee ga a sa ne letswalo la sebe,” go bolela Bahebere. Yeo ke therešo. Kafao o ka se kgone—o ka se kgone go ba Mokriste, o ka se kgone go ba le Moya wo Mokgethwa gomme wa kitimela ntle le go phela ka lefaseng. “Ge o rata lefase, dilo tša lefase, lerato la Modimo ga le ka go wena.” Kafao o no theetša segalo sa maaka felotsoko, diabolo o go dirile o gogomoge gohle. Eupša ge o hlahlofa bophelo bja gago ka Lentšu la Modimo gomme go laetša gore o phela go thwi fase matlakala ale a Beibele, gona o na le tshireletšo ya Gosafelego.

¹⁴⁹ Gomme ga go selo go boifa ka sona. Se Modimo a se tshepišitšego, Modimo o tla se dira. Ke hlohle motho e ka ba mang go tsea seo. O no tsea seo gomme wa sepela le Lentšu lela, gomme šetša se se diregago go wena. Ngwanešu, Le tla tliša se sengwe le se sengwe go phethego, Modimo o boletše bjalo. Se sengwe le se sengwe se Modimo a se tshepišitšego, se tla direga.

¹⁵⁰ Ke... Ka gore ke le boditše gore mošomo wa ka o be o thoma, mo o nyakile go ba mengwaga ye lesometlhano go dikologa le go dikologa lefase, gomme ga go nako e tee Le ilego la šitwa. Gobaneng? Ka baka la go re, motheong, ke eme godimo ga tshepišo ya Modimo. Ke a tseba Le be le le Therešo. Le se ntire ke swanele go leka go le botša ke bjo bongwe bja bohlale bja ka bjo bogolo, eupša Yena Yo a utolotšego diphiri tša pelo ke Yena yo a mpontšitšego ka Lengwalong. Gobane ebile ga se ka ke... ge la mathomo ke thoma go rera, e ka ba mengwaga ye masometharo ya go feta, ke be ke swanetše go ba le mogweramosetsana wa ka a dutše kua le go bala Beibele. Ke be ebile ke sa kgone go E bala, ntle le thuto ye ntši. Kgaetšedi Wilson, o tlamega go elelwa seo ge Hope a be a mpalela Beibele morago kua, a dula le go E bala, gomme ke be ke tla re, “Ekwang se E se boletšeego, dirang feela Se e bolelago. Ke tšohle ke tsebago go le botša.” Gomme bohle ba ba se dirilego, gobaneng, ba bile gabotse. Seo e be e le phetho. Ke be—ke be...

¹⁵¹ O be a tla re, “Modimo o ratile lefase kudu O neetše ka Morwa wa Gagwe a tswetšwego a nnoši.”

Ke be ke tla re, “Ke ba bakae ba Le dumelago?” “Bala ya go latela, hani.”

“O neetše ka Morwa wa Ggawe a tswetšwego a nnoši, mang kapa mang a dumelago go Yena o na le Bophelo bjo Bosafelego.”

Ke rile, “Ke ba bakae ba Le dumelago? Le kwa se Le se boletšeego.” Ke be ke sa kgone go E bala nnamong.

¹⁵² Kafao, le a bona, ga se ka ba le tsela ya go ithuta go tšwa go e ka ba sefe sekolo. Eupša, oo, ke rata sekolo se ke ilego go sona! Oo, morago ntle mošola ka leweng le lennyane felotsoko, diatla tša ka godimo go Modimo, letšatši ka letšatši ka mokgwa woo, ge Moya wo Mokgethwa o etla fase ka go bobose bja Gagwe gomme wa thoma go utolla Yenamong, gomme a re, “Se ke kagona,

gomme *kagona* ke *kagona*.” Gomme ga go ka nako e tee moo motho e ka ba mang, sebopiwa sa mohuta e ka ba ofe, a kile a kgona go bea diatla tša gagwe godimo ga e ka ba eng sa Lona. Gomme mabapi le bohlanya bjhohle le se sengwe le se sengwe gape se se swietšego naga, Modimo o Le swaretše godimo le go hlweka, gomme o Le matšišitše go dikologa le go dikologa lefase. Haleluya! Re mo nakong ya bofelo, banešu. Re fa mo nakong ya bofelo. Yeo ke phetho. “Go tla ba le Seetša ka nako ya mantšiboa.” Seo ke tlwa se A se boletségo.

¹⁵³ Bjale, ke Puku ya Kutollo, Modimo o ikutolla Yenamong. Gomme bjale ka diphiri tše kgolo tše, O utolla Leina la Morena Jesu Kriste ka go kolobetšo, O utolla gore ga go selo se se bjalo bjalo ka Hele ya Gosafelego (e ka se kgone go ba, ga go Lengwalo ka Beibeleng le rego go ne selo se se bjalo).

¹⁵⁴ Bjale, go na le hele, gomme go na le letsha la mollo, gomme moo ba babe ba otlwago, eupša mafelelong ba a feleletšwa. Mohlomongwe milione tše makgolo a lesome a mengwaga, eupša mafelelong ba tla feleletšwa. Gobane o ka se kgone go ba le Bophelo bjo Bosafelego ntle le ge o pholositišwe. Gomme ge o eswa ka Gosafelego, o swanetše go ba le Bophelo bjo Bosafelego. Gobaneng, kgopolo ya tlwaelo e tla go laetša seo. Le a bona? O ka kgona bjang go ba le Gosafe- . . . ? Ke ba bakae ba tsebago ge o na le Bophelo bjo Bosafelego o pholositišwe? Gabotse, ge o eswa ka Gosafelego, a o ka se be le Bophelo bjo Bosafelego go e lemoga? Kafao, le a bona, ebile e no se dire kgopolo. Le a bona?

¹⁵⁵ Bjale, “tšhireletšo.” Bao A ba tsebilegopele, O ba biditše; bao A ba biditšego, O ba lokafaditše; bao A ba lokafaditšego, O setše a ba tagafaditše. Paulo o re boditše, ka go tema ya 1 ya Baefeso, gore “Modimo, pele ga motheo wa lefase, o re kgethetšepele ka go peo ya barwa ka Kriste Jesu.”

¹⁵⁶ Johane o a re botša mo ka go Kutollo, gore, “Lenaba ka matšatšing a mafelelo, lenaba lela la bodumedi, le tla tsena magareng ga batho le go ba le mekgatlo le go ya pele, le ditumelothoko le go ya pele,” bjalo ka ge ba na le tšona lehono, “gomme le tla fora le bona Bakgethiwa ge go be go kgonega, gomme le tla fora bohole bao maina a bona a sega a bewa godimo ga Puku ya Kwana ya Bophelo ge e sa le go tloga motheong wa lefase.”

¹⁵⁷ Leina le gago le beilwe neng godimo ga Puku ya Kwana ya Bophelo? Pele ga motheo wa lefase. Kriste o hlabilwe neng, mengwaga ye makgolo a lesomesenyane ya go feta? Aowa, mohlomphegi. Pele ga motheo wa lefase. “Kwana ye e hlabilwego pele ga motheo wa lefase.”

¹⁵⁸ Le bona se e se dirago? Ke mahuto a a bulega, a no thoma go utolla polane ya topollo, ka mo A e dirilego. Gohle go fedile bjale, e kgauswi—e kgaušwi le go fela. Kafao re mo nakong ya bofelo. Kafao ke ka baka leo di—di dilo di utollwago. Go lokile.

¹⁵⁹ Bjale, wa rena wa Lelokokgauswi o neelwa Puku ya topollo ya mahuto a šupago go tšwa go Mong wa setlogo. Mong wa setlogo... Ge re e lobile ka serapeng sa Edene, ka Adama, e ile morago go Mong wa setlogo. Eupša go bile lerema ka nageng, makaipea, gomme yoo ke Sathane; o tlide mošola, ke lerema. Lefase le ga se la gagwe; ke la Modimo. Eupša ke lerema, makaipea. Monna, nka kgona bjang go bolela se sengwe gonabjale, eupša bokaone ke se ke. Ke lengwalo la bong la topollo ya rena, Puku ye ya mahuto a šupago. Ke lengwalo la bong. Letang go fihla re tsena ka go Mahuto ao!

¹⁶⁰ O kgaotše mahuto, a utolla, a re fa bohwa bja Gagwe go batho ba Gagwe. O fa bohwa bjo A bo abetšwego, a ba Molopolodi wa Lelokokgauswi, gomme o bo file mahala go rena. Bohle e be e le bja Gagwe. O bile Yena Yo a lopolotšego. Eupša go e na le go bo lota Yenamong, O bo file morago go batho. Leo ke lerato la Gagwe bakeng sa rena. Oo!

¹⁶¹ Sathane, mong wa lona bjale, makaipea, yena mafelelong... Ga a nyake go le neela ka pela, re a hwetša mo moragonyana gannyane ka Mangwalong, ke nagana godimo mo ka go tema ye nngwe. Gomme o be a sa nyake go le tlogela nako yeo, eupša o ile a swanelo go le lwela. Eupša, mafelelong, ge a tlišitšwe go makgaolakgang, o ile a lahlelwa ka letsheng la mollo. Yeo ke nnete.

¹⁶² Jesu, Leina Jesu ka go Diebangedi le na le dithaetlele tše nne tša "Morwa." A le be le tseba seo? Jesu o na le dithaetlele tše nn bjalo ka Morwa ka go Ebangedi. E tee ya tšona ke "Morwa wa Dafida"; e tee ya tšona ke "Morwa wa Abraham"; ye nngwe, "Morwa wa motho"; ye nngwe, "Morwa wa Modimo."

¹⁶³ Bjale, šetšang. Ge Molopolodi wa rena wa Lelokokgauswi a eba Jesu Kriste, o ba Morwa wa Dafida, e lego Mojabohwa wa terone. Letago! O bile mojabohwa wa terone ka go ba Morwa wa Dafida. Modimo o boletše morago kua gore O be a ka se tlogele Dafida, "a ka se tsoge a tlogela Dafida ntle le peu." Gomme Kriste ke Morwa wa Dafida. Gomme O ba Molopolodi wa rena wa Lelokokgauswi, le go leta, a bea lefelo komana mo A tla kgonago go rena le rena. Bjalo ka Morwa wa Dafida ke Yena Mojabohwa wa terone.

¹⁶⁴ Bjalo ka Morwa wa Abraham, ke Yena Mojabohwa wa mphiwafela wa bogoši. Amene. A ke nnete? Ke Yena Mojabohwa wa mphiwafela wa bogoši (Amene!), Palestina le tšohle di lego ka go yena, "Peu ya Abraham." O be a le Morwa wa Abraham.

¹⁶⁵ Bjalo ka Morwa wa motho, Morwa wa motho o... Motho o lobile eng? O lobile lefase. Kafao bjalo ka Morwa wa motho ke Yena Mojabohwa go se sengwe le se sengwe ka lefaseng. Lohle le O nalo gomme O swanetše go le fa go rena, ka gona O bowa morago bjalo ka ge A be a le. Yena o...

¹⁶⁶ Bjale, ka gona, bjalo ka Morwa wa Modimo ke Yena mongbohwā wa dilo tšohle. Bjalo ka Morwa wa Dafida ke Yena Mojabohwa go terone, bjalo ka Morwa wa Abraham Yena ke Mojabohwa go mphiwafela wa bogoši, bjalo ka Morwa wa motho ke Yena Mojabohwa go lefase, bjalo ka Morwa wa Modimo ke Yena Mojabohwa go dilo tšohle Legodimong le lefaseng. Oo, nna! Yoo ke Molopolodi wa rena, Molopolodi wa rena wa Lelokokgauswi.

¹⁶⁷ Bjale, hlokamelang! Oo, se se ntira gabotse. Mo ke mo ka nnete ke-ke hwetšago go fepša. Bjale, dumelelang dipelo tša lena go tlemologa go Modimo lebakana feela la metsotso e se mekae. Theetšang se.

¹⁶⁸ Sathane ke makaipea, ga se mong wa bjo wa semolao, gomme o bile le mengwaga ye dikete tše pedi ya go baka ge eba mong wa bjona goba yo mongwe gape ke mong wa bjona. Eupša Kriste o tlie bjalo ka Molopolodi wa Lelokokgauswi gomme a bo lopollela morago go rena. Eupša Sathane o be a le mong wa bjona. Eupša, le a tseba, morago ga lebakana (ntwa ye kgolo ye e fedile) o tla lahlelwa ka letsheng la mollo. Le a bona? Go tla fela ka yena, le bohole ba ba rapelago le yena. Eupša bajabohwa ba phološo ba tla tla le Kriste. Bjale, ke makaipea.

¹⁶⁹ Bjale, elelwang, ka go Testamente ya Kgale, ge mo-mo monna a lobile bohwa bja gagwe gomme makaipea a tla nageng ya gagwe, a ka se kgone go e swara botelele e ka ba bofe bakeng sa phedišo go tšwa go mong go fihla mengwaga ye masometlhano. Morago ga mengwaga ye masometlhano, ngwaga—ngwaga wa Megobo o tlie. Gomme ngwaga wa Megobo, ge ngwaga wa Megobo o etla go bapa, ka gona se sengwe le se sengwe se ile morago go mathomo a sona a setlogo gape. Makgoba ohle, ba ile morago go mathomo a setlogo. Ge monna a be a hlagola ka tšhemong gomme phalafala ya gala gomme a e kwa, o be a tla lahlela letšepe fase le go re, “Ga ke sa le lekgoba, ke ya morago gae go lapa la ka.” Se sengwe le se sengwe se be se neelwa morago. Ge makaipea a be a le nageng, o be a swanetše go tloga nageng. Yeo ke phetho. O tloga lebaleng gobaneng? Mong wa semolao o be a etla morago. O swanetše go fa tsela.

¹⁷⁰ Haleluya! Le lengwe la matšatši a mebušo ya lefase le e tla wa, gomme beng ba semolao ba tla tla ka gare le lengwe la matšatši a. Amene.

¹⁷¹ Bjale, go bile nako ge e be e bakwa. Go tloga go letšatši la bomasomenne, go tloga mathomong a letšatši la pele la go hlwekiša sekgethwa, goba Kriste a ile Khalibari, go bile matšatši a masomenne go ya thotogelong. E be e le ngangišano, ge eba sehlopha sa Sathane se be se tla e tšeа le go bolela gore Yena ga se a tsoga bahung. Ba thomile go thoma go kwalakwatša go bapa le go re, ba rile, “Ke barutiwa ba tlie gomme ba Mo utswitše bošego.” Le badile Beibele, “Gomme o boletše gore ba ‘Gagwe—

Gagwe batho ba tlie gomme ba Mo utswitše bošego.' Gomme ba lefile mašole tšhelete go bolela seo." Eupša e be e le potšišong nako yeo, yo mongwe le yo mongwe o be a le potšišong.

¹⁷² "Gabotse, ka kgonthé, mohlomongwe ke ya mokgatlo, ka gona, selo ka moka ke sa yona."

¹⁷³ Eupša ka letšatši la bomasometlhano e be e le Letšatši la Pentecost, gomme Mong wa semolao a tla fase magareng ga bona (Haleluya!) gomme a laetsa e be e se mokgatlo. Gore e be e le go tlatša ga Moya wo Mokgethwa. E be e le tšhelete ya netefaletšo ya Modimo go Kereke ya Gagwe gore e be e ka se laolwe ke mekgatlo le go ya pele, e tla ba netefaletšo ya kolobetšo ya Moya wo Mokgethwa ka maatla le lerato la Modimo. Amene! Oo, a seo se no se dire se sengwe go wena? Mong wa semolao! E be e le kae? Ka diatleng tša Modimo. Gomme godimo . . .

¹⁷⁴ Le a bona, ga se a kgona go e swara ka godimo ga matšatši a masometlhano. Le bala yeo godimo ka go—ka go Lefitiko—ka go Lefitiko, ka go—ka go melao kua. E boletše gore ba be ba ka se kgone . . . mong wa setlogo. E be e swanetše go boela morago ka diatleng tša mong wa setlogo ka morago ga mengwaga ye masometlhano. Bohle re tseba seo. Le badile seo makga a mantši, eupša . . . le a bona, "E ile ya swanela go ya morago go mong wa setlogo morago ga mengwaga ye masometlhano."

¹⁷⁵ Gabotse, ka gona, morago ga letšatši la masometlhano-mengwaga ye, ngwaga o tee . . . letšatši le tee le era boka ngwaga. Gomme go tloga letšatši le ge papolo ge ba tšere . . . Molopolodi wa Lelokokgauswi gomme ba Mmolaya ka—ka letšatši la Paseka, e be e le pakong nako yeo. Kereke e dumetše go fihla nako yeo gore O be a le Molopolodi wa Lelokokgauswi, "O be a le Molopolodi." Ka gona e dirile eng? E Mmolaile, lenaba le dirile, gomme le rile ba topile mmele wa Gagwe gomme ba o uta felotsoko. Gomme seo se be se le sohle ka go dipelaelo tša batho, "Go diregile eng go Yena? Go diregile eng?"

¹⁷⁶ Bjale, bofelong bja letšatši la bomasometlhano, ka gona, le a bona, e be e ka se be ka pakong gape. Ka gona, Modimo . . . Go e na le gore ba ye—ba tšwelepele ka ya othodox ya kgale, ya go tsetalala, kereke ya go tonya; Modimo o rometše Moya wo Mokgethwa morago, wa rakela bommakaipea bohle ntle, gomme ka gona wa tsea taolo. Maatla a Moya wo Mokgethwa a tlie fase gomme Kereke e amogetše netefaletšo ya phološo ya yona.

¹⁷⁷ Bjale, baena, e sego go gobatša maikutlo a lena goba e ka ba eng ka yona, ge mokgatlo o lokile gomme o no ba Mokatoliki ka mokgatlo, o Mobaptist ka mokgatlo, o lahlegile. Le a bona, netefaletšo ya phološo ya rena e be e se go tšoena kereke, netefaletšo ya phološo ya rena e be e se ya mokgatlo wo itšego. Netefaletšo ya phološo ya rena ke kolobetšo ya Moya wo Mokgethwa ntle le mokgatlo e ka ba ofe! Amene.

¹⁷⁸ Ga se ba kgone go e swara bakeng sa yeo, go feta letšatši lela la bomasometlhano, gobane e be e le letšatši la Megobo ge se sengwe le se sengwe se ile morago go mathomo a sona a setlogo. Gomme—gomme maatla a Modimo a ile a tšeelwa morago go setlogo sa wona, letšatši la bomasometlhano ngwaga wa Megobo ge dilo tšohle di ile morago.

¹⁷⁹ Bjale, go tla tla ngwaga wo mongwe wa Megobo gomme, woo, re bile le wona e ka ba nako ye. Ge le ka hlokomela, Pentecost e wele ka Amerika e ka ba mengwaga ye masometlhano, felotsoko ka nako yeo. E ka ba mengwaga ye masometlhano ya go feta Pentecost ya thoma go wa. Bjale go direga eng, kereke e amogela Puku ya mahuto a Šupago ya kutollo ya Jesu Kriste (ya Mahuto a Šupago) gomme ga go tee lesomeng ya bona ba kgonnego go E amogela.

¹⁸⁰ Eupša ge o thoma go bona ngwaga wa Megobo moo re sa bakego le go nganga le go goga ka mokgwa wo, eupša re šetše re šireletšegile ka go Kriste! Re šetše re ne Leina la Jesu Kriste ka kolobetšong. Re na le diphiri tšohle tše kgolo tše tše re yago go di tliša godimo ka go Mahuto a Šupago a, le go netefatša go lena gore wona e be e le mahuto a bego a tswaletšwe go mahlo a batho. Ka Modimo e le mothuši wa ka, ke tla netefatša go lena gore ga ba kgone go bona Leo ka Beibele (Ka gona, nnete, ge Beibele e boletše bjalo le tla e dumela.), gore ga ba kgone go bona selo eupša “Tate, Morwa, le Moya wo Mokgethwa” go fihla nako ye. Ga ba kgona go bona gore go be go se ne hele ya Gosafelego, go fihla nako ye. Ga ba kgona go bona go be go ne tshireletšo ya Gosafelego mos-... Ke ra bakeng sa modumedi wa kgonthe. Nnete, go bile dikwero tša yona tsela yohle go dikologa, segalo sa go se hlake ba se fago. Ke lebaka leo batho... Ba re, “Gobaneng, lebelela bona Mapresbyterian le go ya pele, ba a kgoga, ba a nwa, le se sengwe le se sengwe gape, gomme ba re ba ne tshireletšo ya Gosafelego.” Ya, eupša, le a bona, seo ke go—seo ke go lahla Phalafala ya kgonthe.

¹⁸¹ Anke re hwetšeng morago Mo gomme re hwetšeng ge eba Phalafala e a gala, ge eba ga o tle thwi morago go Genesi go fihla go Kutollo, morago le pele, ge lehuto le le bulega; le a bona, dilo tše di a utollwa.

¹⁸² Bjale, oo, ngwanešu! Ke naganne ke be ke no... Ke ya go swanelo go mo tlogela a ye go fihla nako ya go latela ke tsena ka go yona. Ke sa na le e ka ba matlakala a selelago mo gabjale; goba—goba, ok, aowa, re na le tirelo ya kolobetšo e tlago godimo. Anke ke bale ye, sehlophana se sa dilo tše nnyane tše thwi mo, ngwaga wa Megobo. Go lokile.

¹⁸³ Bjale, lena—lena bohole le ngwalago Mangwalo? Ka go Jeremia 32, gomme thoma ka temana ya 6 ge o... gomme ge o fihla gae, o nyaka go e bala. Bjale, Jeremia, go le dira le bone se sekrolo se e lego sona, ke tla ntšhetša ye ntle. A re tšeeng sekrolo,

go le bjalo. Go tla mpha e ka ba metsotso ye mengwe ye lesome, ya sekrolo. Bjale, le a eelwa, Puku ye e be e tswaletšwe. Bjale, puku dinakong tša Beibele e be e se puku ya khutlonne ka mokgwa *wo*. E be e le puku ka mokgwa *wo*, e be e bitšwa puku, “sekrolo.” Ke ba bakae ba tsebago seo? Uh-huh. Nnete, e be e le sekrolo. Go lokile.

¹⁸⁴ Bjale, Puku ye—ye e be e tswaletšwe ka mahuto a šupago. Bjale, E be e le Beibele gomme E be e tswaletšwe ka mahuto a šupago. Gomme bjale šetšang ka fao se se bego se dirwa.

¹⁸⁵ Jeremia, ge a—ge a be a eya go... o profetile gore o be a tla tlošwa. Ka go Jeremia tema ya 32. O be a eya go rwalelwa mošola bothopša tlase ka Babilonia, ba be ba eya go ba tlase kua mengwaga ye masomešupa. O be a e profetile. Gomme lena babadi ba Beibele le e kgabotše makga a mantši. Gomme o be a eya go tseelwa tlase kua lebaka la mengwaga ye masomešupa. Gomme o—o be gabotse a le wa lelokogauswi la kgauswiuswi go motswalagwe yo a bego a hlokofetše. Motswalagwe (H-a-n-a-m, bo e ba babedi, 1) Hanameel, Hanameel, Hanameel, o be a le... leloko la kgauswi la gagwe. Kafao o be a tseba gore—gore lenaba le be le tla swara—swara di—di dipampiri le go ya pele tša lefelo la gagwe, eupša ge... O tsebile gore Modimo o be a ka se tsoge a tlogela batho ba Gagwe, kafao ge ba bowa morago, gore a be le gomme a be mong wa maleba wa bohwa, sese se a se dirilego: o bile le yohle e thadilwe.

¹⁸⁶ Ke ba bakae ba kilego ba e bala? Go lokile, le e badile, le e badile nako yeo. Go lokile. Bjale, o tserere le go e tswalela feela tlwa ka tsela ye disekrolo tše di bego di tswaletšwe mo. Ke se sebotse kudu, selo sa go ikgetha se o kilego wa se bona.

¹⁸⁷ Bjale, ke ya go leka go se swantšha ka seripa se sa pampiri, ga ke tsebe ge eba ke tla kgona goba aowa. Bjale, še tsela ye se bego se ngwadilwe, ka mokgwa *wo*. Bjale, o se dirile le go se tswalela ka mokgwa *wo*, sengwe le sengwe fase. Bjale, go diregile eng, go le lengwe le le lengwe la mahuto a o ngwadile go dikologa mo bohwa bja gagwe le se se diregilego, le bohole ba ba welego pele ga gagwe le ka foa a tliego a ba mong wa bjona. Yohle e be e tswaletšwe ka mokgwa woo.

¹⁸⁸ Bjale, ke ka tsela yeo Modimo a nago le Puku ya Gagwe ya go tswalelwa ga šupa. Bjale, feela ge A kgeila le, kutollo yela e tla thwi morago go dikologa le go kitima tsela yohle go dikologa go ya ka morago ga Puku. Ke ka baka leo o ka kgona go tšeа Leina la Jesu Kriste gomme wa Le kitimiša go tloga go Genesi go ya go Kutollo gomme go laetša fao ga go selo se sebjalo bjalo ka “Tate, Morwa, le Moya wo Mokgethwa.” Le a bona? Le a bona, e ya tsela yohle go dikologa go kgabola Beibele, E ya e utolla.

¹⁸⁹ Ka gona o tšeа boka, “Go na le hele ya Gosafelego.” O goga yeo gomme o e kitimiša tsela yohle go dikologa; ga se gwa ke gwa tsoge gwa ba hele ya Gosafelego gobane mathomong Modimo o

rile hele e *hloletšwe* diabolo le barongwa ba gagwe, bakeng sa kotlo ya bona ya ka moso. Ka gona ge hele e le ya *Gosafelego*, e kgonne bjang go hlolwa? Lentšu tlholo ga se la ke la tsoge... Lentšu *Gosafelego*, "go se tsoge gwa thoma gomme go ka se tsoge gwa fela." Gona ka mehla go be go le hele ge e le ya *Gosafelego* hele, "go bile hele gohle nako ya go swana, nako ya go swana go bego go le Modimo go be go le hele, pele go be go le sebe e ka ba sefe go be go sa le hele." Huh! Oo, nna! Le a bona, o ka se kgone go e dira.

¹⁹⁰ Kafao šetšang ge dilo tše di phuthologa tšonabeng, e kitimela thwi morago go dikologa gomme e bula Puku. Kafao bjale se gabotse se fa seswantšo sa Beibele ka moka, le mahuto a a dirago Beibele e utagale go mahlo a ba bohlale le ba tlhaologanyo. Modimo, ka Moya wo Mokgethwa, o a bula ka mokgwa wo le go a utolla thwi go dikologa go kgabola Beibele. Letago go Modimo!

¹⁹¹ Ngwanešu, ke a go botša, seo se no dira ya ka—ya ka tatsokgolo ya semoya e hiduege. Le a bona? Le a bona? Bjale, lebelelang mo! Le a bona, ke—ke sem—... boka... Le kwešiša se ke se rago? Le a bona, šele lona, lehuto. Bjale, ge le hlokomela le go bala mo, eyang go Jeremia gomme le tla bona ka fao a—a—a e tswaletšego.

¹⁹² Bjale, Puku šeo, e ngwadilwe ka kua. Bjale, feela ka nako ya kutollo ya pele, ka gona O bula lehuto le. Bjale, setšang le go bona se lehuto lela la pele le bego le le ge re fihla go Mahuto. Ka gona nako ya lehuto la bobedi, O gogela lehuto la go latela ntle. Gomme a le a tseba re mo kae? Gabotse re nyakile re le go lehuto la bošupa gonabjale. Gomme ge la bošupa...

¹⁹³ Ge lehuto la pele le butšwe, phalafala ya pele e galagetše gomme kotlo ya pele ya wa. Ge lehuto la boselela le bulwa, ya boselela e galagetše gomme kotlo ya boselela e wele. E no e šetša, ke selo se sebotse kudu o kilego wa se bona. Gomme ge ke dira, ke ya go ikhweletša le legolo, le legolo gagolo letlapantsho, ke le tlíše godimo mo gomme ke no e ruta thwi go kgabaganya mo, gore re kgone go tsea nako ye ntši go lehuto le lengwe le le lengwe le go ya morago go tsea histori le dilo, le go netefatša feela le diregile neng, le go laetša thwi mo ka Beibeleng ge E boletše go tla direga, gomme thwi tlwa ge e be e direga, feela letšatšikgwedi le se sengwe le se sengwe gape. Ke na le yona, amene, ke e hweditše go tšwa go Yena. Yeo ke therešo. Mahuto šeao.

¹⁹⁴ Bjale, ge Jeremia a be a ngwala puku ye, e be e tswaletšwe... Selo se sebotse sese ke nyakago le se hlokomele, lena bohole ba le e balago, gore tšona puku ya go tswalelwa... Bjale, elelwang, o be a eya go be a tlogile. O be a profetile. Bjale, o be a sa e tsebe, feela ka seprofeto. A le a ntatela? O tsebile ka seprofeto, ka kutollo ya Modimo, gore ba be ba eya go tloga go tšwa nageng yeo lebaka la mengwaga ye masomešupa. Le mo elelwa a profeta seo? O be a tla

ba mengwaga ye masomešupa, ba be ba tla ba bathopša. Kafao o be a nyaka go ba le nnete gore setswalelo se (gore bohwa bja gagwe) bo tla bolokwa, gobane o be a... o bile mojabohwa wa bohwa bja motswalagwe. Kafao o bile le bjona bo ngwadilwe, semolao. Gomme o dirile eng ka bjona? Kafao gore bo se bole goba go kgwara, o bo beile ka go sebjana sa letsopa; gomme a bo uta gore bo se bole goba go kgwara, go fihla yona mengwaga ye masomešupa e fedile.

¹⁹⁵ Letago go Modimo! Ke holofetše le tla e swara! Le bona se Modimo a se dirilgo? Ga se A tsoge a Le utolla go ba godimo le ba tlhaloganyo (kafao gore ba phegišane ka Lona lebaka la nako yohle ye), eupša O Le beile ka go Sebjana sa letsopa gomme O itlhohletše Yenamong Morwa wa Gagwe Mong, Kriste Jesu. Gomme ka go letšatši le la mafelelo bjale O bula mahuto le go e bontšha go Kereke ya Gagwe. Le bolokilwe ka go Sebjana sa letsopa gore Le se kgone go bola goba go kgwara! Haleluya! Oo! Ke a tseba le nagana ke mna mopshikologimokgethwa. Mohlomongwe ke nna yena. Le a bona? Eupša Lona šeleo! Le bolokilwe le phuthetšwe ka go Sebjana sa letsopa se se lopolotšwego go tšwa lefaseng, se tlie godimo ka mosong wa Paseka woo ditswalelo tša lehu di se go tša hlwe di kgona go Mo swara gape; eupša O kgaotše ditswalelo gomme a tsoga, gomme o inetefatsa Yenamong ka go matšatši a a mafelelo gore O a phela! O ka Kerekeng ya Gagwe! O a swana maabane, lehono, le go ya go ile. Gomme seo se be se utetšwe diseminari, se be se utetšwe mekgatlo.

¹⁹⁶ Gomme ka matšatšing a a mafelelo O Le utolla ka Bogona bja Gagwe Mong magareng ga batho ba Gagwe. O hwetša yo mongwe yo A ka kgonago go ntšha lefase go bona le dilo go tšwa go bona (bokerek go tšwa go bona), gore A kgone go bolela ka bona le go bola mahuto a ka mokgwa wo Yenamong. Le a bona? Haleluya! Oo, a ga le Mo rate? Nna, nna, nna!

¹⁹⁷ Polane ya rena ya phološo, ya go swana bjale e utollwa ka go Jesu Kriste. Yena o utolla bjang ka matšatšing a a mafelelo? Ka go bula lehuto ga Gagwe. Gobaneng, ga go motho... Ga se wa ke wa tsoge wa kwa e ngwadilwe godimo ka bophelong bja gago ka Peu ya Abraham, kafao ba ilego go kgabola tokafatšo, tlhwekišo, kolobetšo ya Moya wo Mokgethwa; kafao gore morongwa o tla tla ka matšatšing a mafelelo, a ba le magetla a gagwe a šotologetše phuthego le go bolela feela tlwa se Sarah a bego a se nagana ka pelong ya gagwe ka bokagare (go be go se go fihla letšatši le, yeo ke nnete, le ke letšatši); le tumelo ya Abraham; le Leina la Morena Jesu.

¹⁹⁸ Bjale, selo se setee mo, ke na le dilo tše tlhano mo ke ratago go bolela ka tšona, motsotsvana feela, feela ka pejana ka mo nka kgonago. Lebelelang. A šupago... Go ne mahuto a šupago, gomme go na le bošupa ba bahlano ka go polane ya Modimo ya topollo. *Tlhano* ke nomoro ya “mogau.” Ke ba bakae ba tsebago

seo? J-e-s-u, t-u-m-e-l-o, tlhano ke nomoro ya mogau. *Tshela* ke nomoro ya letšatši la motho, gomme *šupa* ke letšatši la gagwe—la gagwe la topollo.

¹⁹⁹ Bjale, šetšang. Bjale, go ne mahuto a šupago ka go ye, goba—goba magato a šupago ka go polane ye kgolo ye ya topollo. Go na le afe a šupa? Mahuto a šupago a topollo, Meboya ye šupago ya Modimo... Re hwetša gore (ge le nyaka go bona ge eba e re “Meboya ye e Šupago,” anke ke bone mo motsotsotso feela), tema ya 5, go thoma go temana ya 6 (ke a dumela, re bona mo), temana ya 6:

Gomme... bonang, gomme, bonang, mo bogareng bja terone le bja dibata tše nne, le mo bogareng bja bagolo, go be go eme Kwana bjalo ka ge o ka re e be e hlabilwe, e ne dihlogo tše šupago le mahlo a šupago, e lego Meboya ye e šupago ya Modimo e rometšwego pele ka lefaseng lohle.

²⁰⁰ Meboya yeo e šupago ke eng? Bona batseta ba šupago. Fao go Mokgethwa Columba, le Irenaeus, le—le John Wesley, le Martin Luther, le go ya pele. Le a bona, “Meboya e šupago,” e lego banna ba ba šupago (barongwa ba šupago), e lego melaetša ye e šupago.

²⁰¹ Mahuto a šupago, Meboya ye e šupago, barongwa ba ba šupago, manaka a šupago, le dikereke tše šupago. Le a bona, bošupa ba šupago, go na le bošupa ba bahlano, e lego, *šupa* ke “phethagalo,” *tlhano* ke “mogau,” Mogau wa Modimo go Mabaka a Šupago a Kereke ya Gagwe. Banna batseta ba šupago ba Gagwe, Meboya ye e šupago ya Modimo ya Gagwe, mahuto a šupago a polannwego a topollo (re ka gare thwi bjale), *manaka* a šupago a ra a šupago “mabaka.”

²⁰² Gobane, *lenaka* le ra “mmušo.” Le a elelwa mphaphahlogo o tlie godimo ga sebata (*lenaka*) ka go Daniele, le go ya pele? Le a bona, le ra mmušo, goba “mabaka a šupago.” Gomme, elelwang, Jesu o rile, “Ba bangwe ba robetše mo tišong ya pele, lebaka le letee; yo mongwe ka go tišo ya go latela, lebaka la go latela; la go latela; le la go latela; go tokologa go ya pele go ya go tišo ya bošupa. Gomme ka go tišo ya bošupa Monyadi a tla, gomme ka gona bohole ba bona ba tsoga.” Le elelwa seo?

²⁰³ Kafao ke “mabaka” a šupago e be e le *manaka* a šupago, gomme tše šupago *dikereke*, goba tše “šupago di... mabaka a mmele wa badumedi.” Oo, E nno phethagala ka mo e kgonago go ba. Jeremia... Nna, “Puku,” “mabaka,” ka fao e lopolotšwego ka gona! Ka fao... [Ga go selo godimo ga theipi—Mor.]... thwi mo.

²⁰⁴ La bošupa le la mafelelo la mahuto a, ge a bulegile, le hwetšwa ka go Kutollo tema ya 10, go be go ne Morongwa yo maatla (e bego e le Kriste) o tlie fase gomme a bea leoto le tee godimo ga naga gomme le tee godimo ga lewatle, gomme a phagamišetša seatla sa Gagwe godimo gomme a re, “Letšatši le fedile. Nako e fedile. Gohle go fedile. Nako e ka se sa ba gona.”

²⁰⁵ Gomme O rile, “Go galagaleng ga...ka nako ye, sephiri sa Modimo se tla be se fedile.” Ke mang Modimo le ka mo A dirilwego go bonagala; ka fao ge lehuto lela le bulega, ka mo re thomago go kwešiša bjale ka fao gore O be a le Morwa wa Modimo, O be a le Modimo Yenamong a dirilwe nama; le kutollo ya gore ke Mang Yena; seo se swanetše go be se fedile pele Morongwa yo a ka kgona go bea maoto a Gagwe godimo ga naga le lewatle le go ena gore “go ka se sa ba nako” ge nako ye e etla. Re thwi ka jarateng yela ya ka pele ga sona gonabjale. Le a bona?

²⁰⁶ Ya mafelelo ya ona ke Kutollo 10, “Leoto godimo ga naga le godimo ga lewatle,” nako ellwe ka magotlo, topollo e fedile, gomme bjale O tla ka gare bjalo ka Tau. O be a le Kwana nako yeo, bjale O tla bjalo ka Tau ya leloko la Juda.

²⁰⁷ Bjale, anke ke no bala ka moka ga ye gore ke kgone go e tliša go lena thwi ka pele bjale, le temana ya 8:

Gomme ge a tsere puku, dibata tše nne le ba masomepedi-...le ba bane le ba masomepedi bagolo ba wele fase pele ga Kwana, ba na le diharepa yo mongwe le yo mongwe wa bona, le meruswi ya gauta e tletše menko, ...le dithapelo tša ba bakgethwa.

²⁰⁸ Bjale, ye ke nako ge se sengwe le se sengwe se swanetšeego go ba go rapela. Bjale, elelwang, go maleba bjang. Bjale, o se re dire go foša se bjale. Theetšang sekgauswi. Ge diphiri tšohle tša lebaka la kereke di fedile, ge diphiri tšohle tša dipolane tša topollo, wona mahuto a šupago a butšwe ka...thwi ka pela morago ga se bjale, lebelelang, ke nako bakeng—bakeng sa tšohle, se sengwe le se sengwe ka Legodimong le se sengwe le se sengwe lefaseng go rapela Modimo. Bjale, šetsang se se diregago. Theetšang go...ke, e nong go theetša se motsotsotso feela:

Gomme ba be a opela pina ye mpsha, ba re, Wena o a swanela...

²⁰⁹ Theetšang se go rapela go bego go le! Bagolo, dibata, se sengwe le se sengwe se wele pele ga Gagwe, le a bona, ka mokgwa woo, ge A dirile polane ya Gagwe ya go felela. Ke nako ya go rapela bjale, le a bona:

Gomme ba be ba opela pina ye mpsha, ba re, Wena o a swanela go tšeа puku, le go bula mahuto a yona: gobane o hlabilwe, gomme o re lopolletše Modimo ka madi a gago go tšwa go morafe wo mongwe le wo mongwe,... leleme, le batho, le ditšhaba;

Gomme Wena o re dirile magoši le baprista go Modimo wa rena: gomme re tla rena lefaseng. (Theetšang, tšona disoulo tše di lopolotšwego di goeleta ntle kua. Mmm!)

Gomme ke lebeletše, gomme ke kwele segalontšu sa barongwa ba bantsi tikologong go rarela terone le dibata le bagolo: gomme palo ya bona e be e le dikete tše lesome

atiša ka dikete tše lesome, le dikete tše dikete; (Se sengwe le se sengwe ka Legodimong se rapela Kwana ye, le a bona.)

Ba re ka segalontšu sa godimo, ya Maswanedi ke Kwana (Haleluya! Haleluya!) *ye e hlabilwego go amogela maatla, le mahumo, le bohlale, le maatla, le tlhompho, le letago, le tšhegofatšo.*

²¹⁰ Theetsang, “Gomme sebopiwa se sengwe le se sengwe!”
Theetsang se Johane a se dirilego:

Gomme sebopiwa se sengwe le se sengwe se se lego ka legodimong le godimo ga... lefase, le ka tlase ga lefase, le bjalo ka tše di lego ka lewatleng, le tšohle tše di lego ka go wona, di nkwele (Johane) ke re, Ditšhegofatšo,... tlhompho,... letago,... maatla, di be go yena yo a dutšego godimo ga terone, le go Kwana neng le neng.

²¹¹ Johane o swanetše go be ka kgonthe a bile le Pentecost ya gagwe mong. O rile, “Sebopiwa se sengwe le se sengwe ka Legodimong, sebopiwa se sengwe le se sengwe ka lefaseng, sebopiwa se sengwe le se sengwe ka tlase ga lefase, sebopiwa se sengwe le se sengwe se bego se le ka lewatleng, se nkwele ke re, ‘Amene, letago, tlhompho, maatla, le ditšhegofatšo, di be go Yena yo a dutšego godimo ga Terone, Kwana yela.’”

²¹² Nako ya go rapela! Amene! “Ba e dirile bjang?” Lentšu la Gagwe šeles, lena... bohole ba le kwele.

Gomme dibata tše nne di rile, Amene. O rereša, Johane, e no goelela le go Mo tumiša kudu ka mo o ka kgonago. Ke...

...kwele nna ke re, Ditšhegofatšo, Amene, *letago, bohlale, maatla, le thata...*

...*Gomme bagolo ba bane le masomepedi ba wetše fase le go rapela yena yo a dutšego...yo a phelago neng le neng.*

²¹³ A kanegelo ye botse! Bjale, ga ke ne nako. Ke na le yona e ngwadilwe, kgwekgwe tsoko ya yona mo, eupša kopano ya rena ya go latela pele re ka kgonà go ya ka go ye... Mohlomongwe ge ke bowa maikhutšong a ka goba nako tsoko ye nngwe, ke nyaka go tsea dibeke tše masomešupa tše tša Daniele le go e bofa thwi ka mo, le go e laetša mo e tšeelago go Megobo ya Pentecostal, le go e tliša thwi morago le tšela tše šupago diko-... wona mahuto a šupago go bula mo feela pele re tloga, le go laetša gore ke bofelong, tše...

²¹⁴ Kwana, Mesia, Mokgoma o swanetše go tla gomme e swanetše go ba lebakala dibeke tše masomešupa (yeo ke mengwaga ye e šupago) yeo e profetetšwego go batho ba Gagwe. Gomme Mokgoma o tla ripša mo bogareng, yeo ke mengwaga ye meraro

le seripa, gomme seripa sa šupa ke tharo le seripa, o tla ripša. Gomme sehlabelo sa tšatši ka tšatši se ka se sa dirwa; gomme makgapa a dirago tšhwalalano (e lego Moslem wa Omar o eme godimo ga mabala a tempele letšatši le ba tšhumilego tempele), gomme ka gona go na le mengwaga ye meraro le seripa e šaletšego Israele.

²¹⁵ Gomme Kriste o tlie gomme o rerile le go profeta feela tlwa mengwaga ye meraro le seripa, gomme sehlabelo sa tšatši ka tšatši sa tlošwa, se sengwe le se sengwe feela go phethagala ka mo se ka kgonago go ba. Gomme Moslem wa Omar o be o le thwi... o agilwe godimo ga mabala a go swana gomme o eme fao go letšatši le. Gomme ba tla gatakela fase maboto a Jerusalema go fihla lebaka la Bantle le tla fela, Kereke e tšeelwa godimo (Bakgethiwa, Monyalwa) ntle kua.

²¹⁶ Gomme baprofeta ba babedi, Eliya le Moshe, ba boela go Israele lebaka la yona ye mebedi le—ye mebedi le seripa ngwaga... mengwaga ye meraro le seripa. Ke selo se sebotse kudu ge le se bona se tlišwa ntle.

²¹⁷ Le a Mo rata? Ka pelo ya lena yohle? Le a kwešiša bjale se Puku setswalelwagašupa e bego e le sona? Se E lego sona: re na le Yona, “ka go sekrolo,” bjale. Gomme e nong go elelwa, feela ka go matšatši a a mafelelo... E be e bolokilwe ka go Sebjana sa letsopa. Le kwešiša seo bjale? Gomme Sebjana seo sa letsopa e be e le Mang? Jesu Kriste. Ga go motho a bilego le Yona, ga go yo a bilego le Yona, ke feela ka Yena. E be ebile e se ya ngwalwa ka go Lentšu. Ge eba E be a ngwadilwe ka go Lentšu, e be e utilwe gore o be o ka se kgone ebile go E hwetša. Yeo ke nnete. Kafao ke ka go Yena gore E utolotšwe, gomme ka go Sebjana sela sa letsopa gore E se ke ya bola goba go kgwara.

²¹⁸ Gomme ka gona O a tla gomme o gogela morago e tee go Kereke ya Gagwe, le go re, “Le a bona, Ke nna wa go swana maabane, lehono, le go ya go ile. Le a bona? Le a bona? Bjale, ka mehla le be le makala ge eba mo—ge eba modiradibe wa go šokiša o tla swa ka Gosafelego goba o tla no fedišwamoka morago ga milione wa mengwaga. Se yona. Ke ka mokgwa wo e bego e le ka gona. Ga go selo se sebjalo bjalo ka hele ya Gosafelego. E ka se kgone go ba ka Gosafelego, gobane Nna... hele e be se ne Nna ge Ke thoma morago mošola. Ke e hlotše go otla babe ka go yona. Le a bona? Le tšohle tše tša go fapano? Feela...” Seo e no ba—e no ba mabalankwe a yona, le a bona, eupša ge le tsena ka fao Modimo a bulago wona mahuto, le go e laetsa, go tla thwi fase; le a bona, ge le dira, gona le ka se kgone go tloga go Puku ye. Wona mahuto...

²¹⁹ Le re, “Oo, lehuto le be le era se sengwe gape, Ngwanešu Branham.”

²²⁰ Ema motsots! Le swanetše go bapela le Ye, gobane e be e tswaletšwe ka morago ga ye go utolla Ye. Ke... Yona ke eng? Yona e be e le eng? Mo, boka mo, Jeremia. O re selo se se *itšego-itšego* se diregile; o gogela *le ntle*, mo ke mo seo se lego. Go lokile. O kgeila *leo* le tloge gomme o lebelele morago mo, mo ke mo e balago se se diregilego. Go lokile. O kgeile le tee *le* go tloga mo, lebelela mo, gomme ke seo se diregilego. Le a bona, seo ke selo sa go swana se Puku ye e lego sona, le a bona, ka morago ga yona.

²²¹ Ba re, “Gabotse, ga ke kgone go kwešiša. Ba bangwe ba rile, ‘Tate, Morwa,’ gomme bangwe, ‘Moya wo Mokgethwa,’ gomme bangwe ba rile, ‘Jesu’ Leina,’ se sengwe le se sengwe ka mokgwa woo.”

²²² E be e ultwe mengwaga ye yohle. Eupša bjale šo yena, o tatologela thwi morago, e ya thwi morago go kgabola go laetsa go na le Modimo yo motee feela. Ga se gwa tsoge gwa ba eupša Modimo yo motee. Yeo ke therešo. Gomme Leina la Gagwe...

²²³ Go bjalo ka Puku ya Mateo 28:19, “Eyang lena kagona, gomme le rute ditšhaba tšohle, le ba kolobetše Leineng la Tate, Morwa, Moya wo Mokgethwa,” gomme Tate ga se leina, gomme Morwa ga se leina, gomme Moya wo Mokgethwa ga se leina. Bjale, le ya go ba kolobetša bjang? Ke lefe la ona maina le yago go ba kolobetša ka go lona, ge go se le tee la ona e lego leina? Ka gona eng? Ga o ye go kolobetša leineng e ka ba lefe, gona. Seo ke Sekolo sa Baprofeta gape, le a bona.

²²⁴ Ka gona le tla morago go lefelo le godimo mo, gomme le tšeа godimo moo le go e kitimišetša morago le go ya morago go Mateo 1, O dirile eng? Nno gogela yeo thwi morago le go e tšeela morago mo:

Bjale matswalo a Jesu Kriste a bile ka mokgwa wo: (E sego Badimo ba bararo, bjale, le a bona.)
Ge...mmagwe...o be a beeleditšwe ke Josefa, pele ba etla mmogo, o hweditšwe a ne ngwana wa Moya wo Mokgethwa. (E sego Modimo Tate; “Moya wo Mokgethwa.” Huh?)

...tšohle tše di dirilwe, gore...

Gomme Josefa monnamogatša wa gagwe,...monna wa moloki,...a sa rate go mo goboša phatlalatša, o be a nagana go mo tlogela ka sephiring.

...ka dilo tše,...ge a be a sa nagana ka...bonang, morongwa wa Morena a tšwelela go yena ka torong, a re, Josefa, wena morwa wa Dafida, se boife...go itšeela go wena Maria mosadimogatša wa gago: gobane seo se imilwego ka go yena ke sa... (Modimo Tate?)...Moya wo Mokgethwa.

²²⁵ Ke naganne, “Modimo Tate e be e le tate wa Gagwe.” Ke bolela se ka baka la kolobetšo ye e tlago godimo. Le a bona?

Ke naganne, “Modimo Tate e be e le tate wa Gagwe.” Bjale, e ba gore Moya wo Mokgethwa le Modimo Tate ke Wa go swana, goba O bile le botate ba babedi; gona Yena ke ngwana wa hlabla, gomme gona ke mohuta mang wa Modimo re nago le yena? Mmm? Le a bona?

Gomme se e bile...sohle...sa dirwa, gore go ke go phethege...go bolets'wego ke Morena ka moprofeta,...

...kgarebe e tla ima, gomme ya belega morwa,... ba tla bitša leina la gagwe Jesu,... (Yeo ke nnene?)...

Gomme O tla bitšwa Imanuele, e lego...ke, Modimo o na le rena.

²²⁶ Bjale, le a bona, ge A gogetše lehuto morago, ke eng selo ka moka go tloga go Mateo tema ya 1 (go ya morago)? Gobaneng, Jesu Kriste. Seo ke tlwa se Petro a se boletšego ka Letšatši la Pentecost. Seo ke sohle ka moka ga bona ba se boletšego.

²²⁷ Nnene, sehlopha se sa Baroma se ile sa swanelo go tla go bapa le go re, “Oo, aowa! Re swanetše go ba le Badimo ba bararo. Re na le . . .” Ba ne dikete tše lesome tša bona bjale: go ne boMaria le Mokgethwa Cecilia, le Mokgethwa Marcus, le Mokgethwa *Semangmang*. Gomme ke a nagana go na le makgolotlhano le metšo ka go Toropokgolo Mexico. Mosadi o bolailwe nako e rilego ya go feta ke ba bangwe ba baratiwa ba gagwe, gomme ba bile go lwa ba mo lwele gomme ba mmolaile, kafao ba mo dira mokgethwa, gomme batho ba dira tshokologo go yena, le se sengwe le se sengwe boka seo. Sememoya!

²²⁸ Gomme mo kereke ya Protestant e tla go dikologa ka se ba se bitšago Thutotumelo ya Baapostola, “Ke dumela go Modimo Tate Ramaatlakamoka, moloti wa magodimo le lefase, le—le kereke ye Kgethwa ya Katoliki ya Roma. Gomme ke dumela ka go poelanyo ya bakgethwa, poledišano ya bakgethwa.” Maprotestant ba bolela ka fase ga keno ya Modimo, gore o dumela go poledišano ya bakgethwa. Seo ke sememoya! Le a bona? Ka gona ba ya pele le go e dira, nnene, gobane kereke e boletše bjalo. (O Modimo, ke thabile bjang go tseba se ke se tsebago! Ke thabile bjang go tseba se ke se tsebago!) Ba sa lemoge gore ba no itswalelela bonabeng kgole go tloga go Modimo, ntle ka go leswiswi mošola. Gomme o ka se ba botše, gobane ka go felela ga ba kgone go e bona.

²²⁹ Ke nyaka go botšiša . . . ga go yo a swanetšeego go bolela se. Go na le bonnyane batho ba lesometlhano goba masomepedi, ba dutše thwi mo, ba bilego le molato wa go nagana gore ke be ke le Jesu Kriste. Ba ka dira se bjang? Ke be ke le thwi godimo ga bona go fihla ke hwetša gore Modimo o mpoditše “e be e le moyo.” Gomme bona banna, ke rile . . . Gomme bona banna ba ntumetše, lentšu le lengwe le le lengwe. Ke rile, “Le ntumela bjang gona, ge ke le botša?” Ka gona re ya go Lentšu, nako yeo ba thoma go

bona, ba rile, "Gabotse, nnete, re be re sa go dumele goba re ka be re theeditše se o se boletšego." Le bona fao?

²³⁰ Eupša gabotse ba naganne ba be ba rereša, ka phišego. Le a bona? Gomme o motee wa yona meboya o tlie godimo ga lena, wo o nago le yona, le a bona, le tla e dumela ka go felela. Ga ke tshwenyege, lena . . . ga go yo a ka le botšago phapano e ka ba efe. Le a bona? Ga go kgathale Lentšu le bolela bjalo gakaakang, gabotse, le no se Le dumele go le bjalo; e nong go ya pele. "Ge le nyaka go ba ka tsela yeo, eyang pele, gomme ke ne tsela ya ka mong." Le a bona, seo se a laetša le tloditšwe ka moyo wa go fošagala.

²³¹ Moya wa Modimo o tla ka mehl- . . . Gabotse, le re, "Go reng ka wenamong, Ngwanešu Branham?"

²³² Ke kgopela mang kapa mang . . . Ka mehla ke komana bakeng sa e ka ba mang go mpontšha se e lego nnete goba phošo, eupša e swanetše go ba Lentšu. Ga ba kgone go bolela . . . Se swanetše go tla go tšwa go Lentšu! Kafao fao ke mo mahuto a a bulagago. Gomme le se tsoge la tshwenyega, ge e le lehuto le tla ipega lonamong go tloga go Genesi go ya go Kutollo. Kafao mahuto šeao. A ga le Mo rate?

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²³³ A re inamišeng hlogo tša rena. [Ngwanešu Branham o thoma go hama *Ke A Mo Rata*—Mor.] Ke ba bakae ka mo yo a sa Mo tsebego bjalo ka Mophološi wa gago, o ka ratago go Mo tleleima ka pelong ya gago? Le a tseba, ke dumela go go yeng aletareng, ke le dumela ka nnete. Yeo e lokile. Eupša ka go Beibele ga se nke ba ya aletareng gore ba phološwe, ba nno Le dumela ka pelong ya bona gomme ba Le amogetše. Ke ba bakae ba lena ba tla tlago ka tsela ya Beibele, "Ba bantši ba ba dumetšego ba ile ba kolobetšwa"? Ke ba bakae ba dumelago lehono, ba sego ba ke ba tsoge ba e dira pele eupša o nyaka go ipolela phatlalatša gore o be o le "phošo" ka ditseleng tša gago, gomme o nyaka go amogela Jesu bjalo ka Mophološi wa gago? A le ka no phagamišetša diatla tša lena godimo ka dihlogo tša lena di inamišitšwe, wa re, "Nna . . ."

²³⁴ Modimo a go šegofatše. Modimo a go šegofatše. Modimo a go šegofatše. Modimo a go šegofatše, wena. Modimo a go šegofatše, moragorago. Modimo a go šegofatše, wena. Modimo a go šegofatše, morago fao. "Ke a dumela bjale." Modimo a go šegofatše. Modimo a šegofatše monna morago fao. Bjale, le a elelwa, e sego *mo* eupša ka pelong ya gago, go Modimo, o dira boipolelo bja phatlalatša, "Morena, ke a tseba re mo nakong ya bofelo. Ke fedile."

²³⁵ Letšatši le lengwe ke be ke bolela le mogwera wa ka yo monnyane mo ka toropong, Ngaka Sam Adair. Re be re dutše ka ofising. Ke rile, “Sam, ke bile le gase tsoko.”

O rile, “O tseba bjang ke gase? Go dikologa pelo ya gago?”

Gomme ke rile, “Ee.”

²³⁶ O rile, “Seo e ka no ba go kgahla ka go bja pelo—pelo—bja pelo—bothata bja pelo—bothata bja pelo.” O rile... (Ntshwareleng.) O rile, “E ka no ba bothata bja pelo.”

²³⁷ O rile, “O tseba bjang gore bo fao?” O rile, “Anke ke go lebelele.”

O ile a ntlhahlofa, o rile, “Aowa, ga go selo sa phošo ka wena.”

²³⁸ Ke rile, “Sam, neng kapa neng ge e etla...” Ke nna wa mengwaga ye masometlhano pedi bogolo, gomme Sam ke o mogolonyana gannyane go mpheta. Ke rile, “Ge e etla, Sam, yohle mengwaga ye ye masometharo ke e beilego ka gare ke leka go dira batho go dumela go Jesu Kriste, le Yo ke mo ratago gomme ke mo šometšego nako ye yohle; ga e dire phapano go nna ge A etla, ke tla ya Gae.”

²³⁹ O rile, “Billy, o a tseba, mo ke hwetšago bogologolo bja ka? Ke go direla yo mongwe gape se sengwe.”

Ke rile, “Bjoo ke bophelo bja kgonthé.”

²⁴⁰ Ge o na le bohwa mo ka lefaseng le, mogwera, ke bohwa bja go senyega. Eupša re amogela bohwa bjo bo sa nyamalalego. Morwa wa lehlaswa o sepetše gomme o tlogetše bohwa bja gagwe, gomme o tšere karolo ya bjona le yena. Ge a boile morago, bohwa bja gagwe—bohwa bja gagwe bo be bo tšhilafaditšwe. Eupša ge o tšhabetše bja gago, ga go bjalo ka Mmušo wa Modimo, re amogela bohwa bjo bo sa senyegego. A ga o nyake go Bo amogela? Go bile e ka ba lesometlhano ba phagamišitše diatla tša bona, badiradibe ba ba bego ba nyaka go amogela bohwa bja bona mosong wo. A go ka ba yo mongwe pele re rapela? Ee.

Go nokologa ka kgonthé bjale:

Ke a Mo rata, ke... (Phetha le monagano wa gago bjale. Ge o ikwela o swanetše, ye e tla ba nako.)

Gobane O nthatile pele

Gomme a lefela phološo ya ka

Godimo...

Modimo a le šegofatše. Modimo a le šegofatše...?...

²⁴¹ [Ngwanešu Branham o thoma go hama *Ke A Mo Rata*—Mor.] Tate wa Legodimong, ka setung sa nakwana ye, re tliša batheelatši ba go Wena, ka fase ga boemo bja go fokotša mosong wo, Morena, go leka go tliša Molaetša go batho gobane ke a ba rata. Ke ba nyaka ba O kwe, Morena. Ke ba nyaka ba

kgwaparetšwe. Ke ba nyaka ba tsebe gore dilo tšohle tše tše di dirilwego ka go mengwaga e se mekae ya go feta ga se ya no ba ka mahlatse, e bile Wena, Morena. E bile Wena yo a bego a bula dilo tše. Gomme, O Modimo, bohole re ikwela gore thwi pele ga ren a go na le Megobo ye megolo.

²⁴² Ke rapelela ba ba phagamišitšego diatla tša bona. Ba a tseba ba phošo, Morena. Dilo tše ntši tše nnyane. . . Mohlomongwe ba abetšwe bohwa bja tšhelete tsoko gatee mo lebakaneng go tšwa go yo mongwe, eupša e dirile eng? Ga se ba tseba mo e ilego, e no tloga ka gare nthathana ye nnyane, gobane ke bohwa bja go senyega. Gomme ge ba ka bo tlogelela yo mongwe gape, bo tla senyega gape.

²⁴³ Eupša re ne bohwa bja go se senyege, bjoo ke, phološo, topollo, go boela morago serapeng sa Edene gape. Nagana ka yona, Morena, ke mang a sa nyakego go ya morago boka Adama le Efa le go phela morago kua? Dijo tša ren a di fiwa tšatši ka tšatši; Tate wa Legodimo ka mehla go bapa le mohlala a bolela le ren a; re bona Seetša se segolo sela se sepela pele ga ren a. Tau le phiri di eja mmogo, powana e eja lehlaka, tau e eja le yena; ge bjale di jana seng sa tšona, goba tau e eja powana, gomme phiri e eja powana, eng kapa eng e kgona go eja. Eupša wona matšatši go ka se be ka tsela yeo. Dinonyana tše kgolo tše botse di fofa. Go ka se be manyami. Go ka se tsoge gwa ba momaraki gore re fetile dikhlofelo tša ren a. Tlase go bapa le mohlala kua re bona bana ba ren a, baratwa ba ren a. O Modimo, a letšatši! A letšatši! Ga go kgathale se re se amogelago mo lefaseng, sohle se—se—se ya go nyamalala, eupša Le le ka se nyamalale.

²⁴⁴ Modimo, nka no se tsoge ka bolela le batho ba bao ba phagamišitšeng diatla tša bona, mo lefaseng le. Ga ke tsebe. Ke a holofela ke a dira. Eupša ge ke sa dire, gona, Morena, anke ke kopane le bona tlase go bapa le mohlala kua. Ba ka no bolela se sengwe boka se, “Ngwanešu Branham, o elelwa tlase lefaseng pele selo se segolo se se direga, mosong wo mongwe o be o bolela ka go—go bulwa ga mahuto ao a bego a bolokilwe ka go Sebjana sa letsopa? E bile ka nako yeo A tlidego ka go sebjana sa ka sa letsopa, ke bile yo a phagamišitšego seatla mosong wola. Oo, ke thabile kudu gore ke be ke le kua.”

²⁴⁵ Ke tla re, “Ngwanešu, kgaetšedi, ke thabile kudu gore ke bile kua, le nna. Bjale re na le kopanelo mmogo go kgabola mabaka ohle.”

²⁴⁶ Ba šegofatše, Tate, bona ke ba Gago. O rile, “Ga go motho a ka kgonago go tla go Nna ntle le ge Tate a mo goga. Gomme bohole Tate a Mphago bona ba tla tla, ga go yo motee wa bona a tla lahlegago.” Kafao re—re leboga kudu, Tate, bakeng sa seo. Anke ba tle godimo bjale gomme ba hwetše netefaletšo ya phološo ya bona, e sego go ya go tšoena kereke. Eupša netefaletšo ga se go tšoena kereke eupša Tswalo ye mpsha, go amogela Moya wo

Mokgethwa. Anke ba amogele Wena, Tate. Gobane re e neela ka diatleng tša Gago, Leineng la Jesu Kriste. Amene.

²⁴⁷ Bakeng sa disakatuku tš: Morena Jesu, ke rapela godimo ga disakatuku tše; le go kgopela gore O tla šegofatša bohole ba hlokago, bohole ba lego mo, Morena, mosadi yo wa go šokiša a dutšego mo ka go setulo sa bagolofadi.

²⁴⁸ Morago ga kopano ye kgolo ye mosong wo, Tate, re ikwela Moya wo Mokgethwa ohle o tletše ka rena, re ikwela Lentšu le theogela botebong le go hloma medu ka dipelong tša batho. Ba ka se tsoge ba le lebala, Morena. Nako ye nngwe le ye nngwe ge ba ekwa dilo tše ba tla nagana ka wona mahuto a bulega. Bjale, re thuše go tseba se mahuto ao a bego a le sona, Morena, gore mongwe le mongwe a se be le go rarakan ka monaganong wa gagwe, eupša o tla tseba go tšwa go “GO RIALO MORENA” gore ke lehuto la Modimo, mahuto ao Modimo a a phuthollago go rena.

²⁴⁹ Re a rapela gore o tla fodiša balwetši bohole le batlaišegi. E fe, Morena. Moya wa Gago o gona. Ge O kgona go pholosa modiradibe morago ka morago ga moago, O ka kgona go fodiša motho fao, gape. Ke a rapela gore O tla e fa, Morena, le go fodiša bao disakatuku tše di ba emelago bao ba sego ba kgona go fihla mo lehono. Re e gafela yohle go Wena Leineng la Morena Jesu Kriste. Amene.

²⁵⁰ Ke a dumela ba ne lesea le lennyane le le nyakago go gafelwa. A mosadi yola o mo le lesea le lennyane? A o tla le tliša ka nako ye? Re tla thaba go gafela moisa yo monnyane. Aowa, ga gwa swanela go ba yo monnyane, e no tla. (Ba bangwe ba bagolo etlang le eme le nna ge le ka rata ka nako ye.) Ke yo mokae? Mengwaga ye mebedi le seripa bogolo. Leina la gagwe ke mang? Scott? Scott Ford, Scott Ford yo monnyane, mengwaga ye mene le seripa bogolo, o nyaka go gafelwa mosong wo go Morena le Mophološi wa gagwe, Jesu Kriste. Mmagwe o a mo tliša. (Go otlologa, etla pele, ngwanešu.)

²⁵¹ Morena wa mogau, re tliša go Wena lesea le lennyane le mosong wo, ka tsela ya go gafela. Go beeng diatla tša rena godimo ga lesea le lennyane, mošemane yo monnyane yo, le go kgopela gore maatla ao a tsošitšego Jesu go tšwa lebitleng a tla phediša mošemane yo monnyane. Modimo, anke a phele ka go phelega le maatla. Anke a phele, Morena, go letago la Gago. Ka fao O šetšego o beile ka gare go thuše lesea le, gomme re a Go leboga bakeng sa yona. Gomme ke a rapela gore O tla tšwelapele go ba le moisa yo monnyane. Eba le batswadi ba gagwe, baratwa ba gagwe. Anke . . . re a tseba gomme re rutilwe gore dilo tšohle di šoma mmogo bakeng sa tše botse go ba ba ratago Morena. Ka fao dilo tše dinako tše dingwe di gogelago batho kgauswana le Wena. Ke a rapela gore O tla fa ditšhegofatšo tše re di kgopelago. Gomme bjale, Tate, go obameleng Lentšu

la Gago, re neela mošemane yo monnyane yo go Wena Leineng la Jesu Kriste. Anke O amogele moyā wa gagwe wo monnyane, soulo, le mmele, gomme mo šomiše bakeng sa letago la Gago. Amene.

²⁵² Modimo a go šegofatše, kgaetšedi. Modimo a go šegofatše, Scott yo monnyane. Re leboga Modimo bjang bakeng sa seo!

²⁵³ Bjale, ke mang a yago go kolobetšwa? Go ne sehlopha sa batho go kolobetšwa, ke a dumela. Ge re sa lokišetša yeo, a re opele... Ke le botša se re ka se dirago, a re opele... Ke tla dira Ngwanešu Neville a e dire. Ke a tseba go tla ba gabotse gona. Go lokile, mohlomphegi, Ngwanešu Neville.

²⁵⁴ Le rata Morena, e reng “Amene.” [Phuthego e re, “Amene!”—Mor.] A le tla nthapelela? [Phuthego e re, “Amene!”] Amene. Amene.



KUTULLO, TEMA YA BOHLANO KAROLO YA II NST61-0618
(Revelation, Chapter Five Part II)
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, June 18, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org